

高安縣志卷之七

學校

學宮

廟祀

位次

釋奠禮樂

存貯書籍

名宦鄉賢

各壇廟

附

附

附

膠庠崇設文教覃敷宮牆仰止俎豆燦如釋奠有典禮
樂攸殊名賢附祀前哲是模菁莪培植世守圖書相觀

而善道重師儒

志學校

學宮

府學

在府治右鍾秀門

詳郡志

縣學

在邑治西進龍池左元瑞陽驛故基也基在宋為

皇華館改郡學元改為驛高安瑞之附郭邑在昔無學

宋淳熙十六年知縣陳璠附建于州學講堂之右實祐

元年洪起畏遷于城西廣教坊之赤土南

揚萬里有記

元末

兵燬明洪武四季縣丞褚印徒建今所宣德七年五河李以安為本縣丞重修文廟大成殿又新建櫺星門十

四年塑聖像天順三年知縣杜美建明倫堂

編修成成

化十二年知縣顧純易櫺星門以石柱二十年知府李

良同知李寬重修文廟明年併新門廡

南昌編修張元貞記

宏治

七年知縣王本義初講堂兩齋及饌堂號舍觀德廳

黃景正德九年郡守鄺璠取土以實後虛復立牌坊於

前繚之以牆大成殿三間東廡十間西廡七間戟門三

間櫺星門一座明倫堂五間成德齋三間育才齋三間

會膳堂三間正堂左講堂三間正堂後號房東十間西

十間公廨三所俱大成殿左泮宮門櫺星門左射圃一

所有才齋後觀德廳三間學舍講堂右嘉靖元年郡守

胡堯元重修

縣守

嘉靖十年邑侯廖希顏修之萬歷間

署縣同知楊資元教諭蕭瑞麟訓導丁燴重修

縣文

國初正殿傾圮諸凡廢棄殆盡順治十五年邑侯黃奎齡

教諭陳良貞重建大成殿併修櫺星門康熙七年郡守

劉登科捐葺建屏牆

自為

九年邑侯張文旦移建

聖祠于明倫堂左二棟各三間教諭羅光春典史許國

銳督理三十四年郡伯李澐根知縣劉址教諭鮑一箕

訓導朱芾捐俸重修

聖殿以及東西兩廡櫺星門五十八年知府高成齡見其倒

壞捐俸倡率知縣謝珩教諭王猷一訓導郭兆昌修葺

聖殿以及東西兩廡櫺星門鬻門甃砌四圍墻垣尋復坍塌
 乾隆九年郡守沈公瀾邑令朱沛然教諭王士倬訓導
 錢廷游捐俸同眾樂輸經廳鉅國振督理重修大成殿
 以及東西兩廡櫺星門併名宦祠鄉賢祠泮池鬻門崇
 聖祠明倫堂以及各處墻垣又將明倫堂下空地創建
 廂房十間以為義學生童肄業之所邑人陳守乾隆四
 十八年知府蔡世恪知縣蔡溶見殿宇傾圯因拆毀重
 建中為

大成殿兩翼為廡前為櫺星門為泮池為鬻門又前為數仞
 宮墻東西為德配天地道冠古今坊殿後
 崇聖祠左為名宦祠右為鄉賢祠又後為明倫堂殿左為教

諭署凡三棟前為文昌宮宮之上為奎星閣前為頭門
 殿右為訓導署凡三棟前為魯公祠前為頭門周圍繚
 以長垣知府蔡世恪有記嘉慶十六年知縣邢鴻敷諭
 表起宇訓導劉映璧集邑之紳士重新修葺是年修
 大成殿十七年重修

大成門東西廡創修名宦鄉賢祠十八年重修
 崇聖祠文奎閣魯公祠創修土地祠立東西下馬牌修頭門
 至兩齋衙署石路泮池及週圍內外牆又於

聖殿東偏買王姓基址東至官街西至學牆南至陳屋北至
 皮屋亦契載建尊經閣尚義堂一進三重又買南城錦
 水街上壇坐東向西店房係得買劉姓之業相連兩間

直進三重前後橫牆空基東至石屋西至宮街南至張
牆北至甘牆後路直通老鴉堆赤央戲尚義堂其店租及尚義
堂側屋租俱歸捐銀者輪班管理為

文廟檢蓋之費知縣邢鴻有記教諭袁起宇有跋

府

文廟

國朝乾隆甲辰知府蔡世恪與縣學重修嘉慶乙亥知府

石俊集郡紳士重修高安領修

大成殿明倫堂東邊頭門及石階上高領修泮池戟門戟門

前石階費牆屏牆訓導署魁星閣新高領修東西兩廡

大成門

崇聖祠名宦鄉賢祠教授署是年閩郡又重修府署前錦水

奇觀樓改名大觀樓及鐘樓巡撫阮督學王俱題有匾

聯

崇祀源流

文廟尊崇歷代不一而首先祀事則漢高帝十一年以太牢

祀於闕里始也魏文帝正始二年上講論語使釋奠於

辟雍則兼行太學矣此魏太和十六年詔有司行享獻

之禮然未有定月至北齊文宣帝天保元年詔每歲春

秋仲月行釋奠禮每月朔祭酒領師生階下行禮此則

春秋二祭月朔行禮之始也然未有定時隋文帝詔國

子寺釋奠以四仲月上丁州縣學以春秋仲月上丁而

後時有定也抑未有定禮唐太宗貞觀二十年詔自今
釋奠國學祭酒初獻司業亞獻博士終獻州縣學守令
初獻丞佐亞獻博士終獻于是守令主祭之典以著若
褒崇之典漢平帝元始元年追謚孔子為褒成宣尼公
北魏太和十六年改稱為宣聖尼父由是尊孔子為先
師唐武德二年為先聖太宗貞觀二年為太師高宗總
章元年為文宣王開皇二十七年為大成至聖文宣王
元成宗大德十一年其封彌加其典彌隆明嘉靖九年
用張璁議更定祀典罷王公侯伯爵易塑像為木主改
題曰至聖先師孔子大成殿為先師廟四配十哲及門
弟子俱稱先賢某子從祀先儒某氏每歲以二八月上

朝

丁致祭而後婦女之遊巫覡之入俱不禁而自息至樂
設軒縣舞用六佾簠簋豆銅罇爵帛實以太羹和羹
黍稷牛羊諸物悉仍舊志我

世祖章皇帝順治二年加稱大成至聖文宣先師孔子九年臨

雍釋奠

御製卧碑文頒勒學宮十四年改謚為至聖先師孔子親行釋

奠

聖祖仁皇帝康熙八年臨雍釋奠十七年文廟工成臨雍親祭

二十三年詣闕里致祭

御書萬世師表匾額頒懸大成殿二十五年

詔春秋二祭武官二品以上並令陪祭仍令正印官主祭二十六年

詔設樂器遷十豆十樂用六佾御製

至聖先師孔子贊暨四賢贊頌學勒石二十九年

詔兵民人等經過下馬併禁在學宮內放馬畜汙踐是年闕里文廟告成遣皇子致祭四十一年

御製訓飭士子文頒勒各學四十三年

上以西征噶爾丹凱還

告成大學頒平定朔漢碑勒石學宮五十一年

特諭升朱子子十哲之次改題其主曰先賢五十三年

御製周易折中暨朱子全書成頒行五十四年

詔以宋儒范仲淹從祀次司馬光下五十五年題准

欽定樂章皆取平字之義府州縣多仍舊錯用和字着通行改

正一體贊奏

世宗憲皇帝雍正元年

首命追封

孔子五代王爵將啟聖祠更為崇聖祠改造漆匾二年奉

諭臨雍謁廟稱幸未安嗣後應改為詣宇

命各省學宮建忠義孝弟祠仍建節孝祠于學宮外

命增定從祀先賢遠瑗林放秦冉顏何縣亶牧皮樂正子公都

子萬章公孫丑先儒鄭康成范甯增諸葛亮尹焞魏了

翁黃幹陳淳何基王栢趙復金履祥許謙陳澥羅欽順
蔡清陸隴其增張載之父張迪入崇聖祠增仲弓伯牛
子張有若四家博士三年

上臨雍講學

命州縣人文盛處廣入學額數有差是年奉部頒

文廟禮樂圖籍四年

御書生氏未有匾額頒懸各學

命天下敬避

聖諱凡姓名地名俱改作印字四年

詣廟釋奠奠帛進酒皆跪獻者定例遵行

詔州縣二祭增用太牢升周敦頤張載程顥程頤邵雍為先賢

五年

上諭直省內外逢

先師誕辰一日齋戒省會丁祭督撫學政率司道府州縣官

齊集致祭不必先期祭丙其學政亦即于考試處

文廟行禮七年

上以西征羅卜藏丹津凱還

告成大學頒平定青海碑勒石學宮九年

上命將

聖祖仁皇帝欽定書經詩經春秋傳說彙纂暨

御製性理精義各直省刊板頒行

高宗純皇帝乾隆三年并有子若躋十哲復吳澄從祀四年

御書與天地參區額頒懸各學十年

頒發祭樂二器存學

仁宗膺皇帝嘉慶元年

御書聖集大成區額頒懸各學

皇上帝光元年

御書聖協時中區額頒懸各學

令劉宗周從祀西廡三年

令湯斌從祀東廡

神位坐次

大成殿祀

至聖先師孔子

正中南向

木主高二尺三寸七分，闊四寸，厚七分。座高三寸，長七寸，厚三寸四分。朱地，金書其左右。列祀四，配十二哲。兩廡列祀先賢先儒。

東配

復聖顏子

述聖子思子

西向

西配

宗聖曾子

亞聖孟子

東向

東哲

先賢閔子名損

冉子名雍

端木子名賜

仲子名由

卜子名商

有子名若

西哲

先賢冉子名耕

宰子名子

冉子名求

言子名偃

顓孫子名師

朱子名熹

東廡

先賢蘧子伯玉名瑗

澹臺子子羽名減

原子子思名憲

南宮子子容名适

商子子木名瞿

漆雕子子若名開

司馬子子牛名耕

梁子叔魚名鮒

冉子子魯 名孺

冉子子產 名季

漆雕子子歛 名咳

任子子選 名不齊

公肩子子中 名定

罕父子子素 名黑

左人子子行 名郢

原子子籍 名元

叔仲子子期 名會

邾子子欽 名異

琴子子開 名張

秦子子之 名非

顏子子冉 名何

樂正子克

周子濂溪 名敦頤

邵子康節 名雍

先儒公羊高

后子蒼

王子通

楊子時

呂子祖謙

魏子了翁

伯子子析 名虔

漆雕子子期 名徒父

公西子子華 名赤

公良子子正 名孺

郭子子家 名畢

榮子子樵 名辨

鄭子子從 名國

廉子子曹 名濂

公西子子上 名與

陳子子禽 名元

步叔子子車 名乘

顏子子聲 名會

縣子子象 名亶

萬子子章

程子明道 名顛

共三十九位

伏子勝 董子仲舒

杜子子春 諸葛子亮

范子仲淹 歐陽子修

羅子從彥 李子伺

蔡子沈 陳子淳

王子栢 趙子復

許子謙

王子守仁

西廡

先賢林子子印名放

公冶子子長名長

高子子羔名柴

商子子季名澤

顏子子柳名辛

公孫子子石名龍

顏子子驕名高

石作子子明名蜀

后子子里名虞

顏子子襄名祖

秦子子南名祖

公和子子之名勾

樂子子聲名欽

孔子子蔑名忠

顏之子叔名之

申子子周名根

秦子子闢名冉

公都子

張子子厚名載

吳子澄

羅子欽順

宓子子賤名不

公哲子季次名哀

樊子子遲名須

巫馬子子期名施

曹子子循名邨

秦子子丕名商

壤駟子子徒名赤

公夏子子乘名首

奚容子子倚名蒧

句井子子疆名疆

縣子子橫名成

燕子子思名假

狄子子皙名黑

公西子子尚名蒧

施子子常名之

左子子明

牧子皮

公孫子丑

程子伊川名頤共三十八位

先儒穀梁子赤

高堂生子

孔子安國

毛子萇

鄭子康成

范子甯

韓子愈

胡子瑗

司馬子光

尹子淳

胡子安國

張子栻

陸子九淵

黃子幹

真子德秀

何子基

陳子澔

金子履祥

許子衡

薛子瑄

陳子獻章

蔡子清

劉子宗周

陸子隴其洪三十

崇聖祠祀

肇聖王木金父

正中南向

裕聖王祈父

東一室南

韶聖王防叔

西一室南向

昌聖王伯夏

東二室南向

啟聖王叔梁紇

西二室南向

四配

東配

先賢顏路氏

名無

伯魚孔氏

名鯉

在殿內西

西配

先賢子皙曾氏

名點

公宜孟氏

名激

在殿內東

東從祀

先儒伯溫程氏

名珦

季通蔡氏

名元

東廡西向

西從祀

先儒喬年朱氏名松

周氏名樞

西廡東向

張氏名迪

名宦祠祀

宋 吏部尚書文肅公徐應龍見傳

元

江西檢校南臺御史張珪見傳

明

誠意伯劉基見傳

知高安縣事沈秩見傳

成化進士知高安縣事顧純見傳

知高安縣事王本義見傳

高安教諭 侯鉞

禮部主事原任高安縣知縣江珍見傳

高安教諭王道見傳

國朝

原任瑞州府知府高璜

江西巡撫部院白璜

知高安縣事盛鍾賢

以上十二人俱崇祀名宦祠

鄉賢祠祀

晉

御史黃輔 孝宗穆帝

唐

尚書江西節度使權知袁州鄧璠 僖宗中和

祭酒幸南容 德宗貞元

宋

進士魏京 真宗天禧

贈太子中允原屯田員外郎穎上令劉渙 仁宗天聖

尚書都員外郎吳太元 仁宗景祐

秘書丞劉恕 神宗熙寧

贈端明殿學士原任兵部尚書兼吏部封開國伯胡直

孺哲宗紹聖

宣教郎檢討前德安主簿劉羲仲 徽宗政和

軍器少監趙像之 高宗紹興

開府儀同三司趙不黯 高宗紹興

岳州通判陳友直 高宗紹興

孝感尉羅之紀 寧宗嘉定

穎州通判幸元龍 寧宗慶元

光化軍司戶幸當時 理宗紹定

侍御史吏部尚書兼給事中大夫丞陳仲微 理宗嘉熙

寶章閣學士封開國男劉應龍 理宗嘉熙

御史劉元高 理宗淳祐

浙東提刑兼權紹興安撫胡仲雲 理宗寶祐

御前軍器陳元亮 度宗咸淳

孝感令胡希寅 度宗咸淳

處士胡希是 度宗咸淳

元

廣東宣尉同知塗謙 世宗至元

義士吳啟孫 臨字或甫南誠江府教授 禮義坊人至大壬子領薦任

明

吏科給事中劉謚 洪武

本府學訓導朱溟 洪武

廣東按察副使潛溟 永樂丙戌

刑部郎中朱益 永樂乙未

四川左叅議楊潤 永樂乙未

河南叅議陳鑑 宣德丁未

福安知縣孟充 宣德乙卯

建寧同知陞雲南僉事江淵 宣德貢縣學左僉人

長沙教授徐振 景泰癸酉

廣東僉事御史黃山 成化甲辰

雲南布政司叅議朱繼祖 成化甲辰

陝西副使南道御史朱漢 成化丙戌

巡按貴州加六品俸河南御史敖鉞 正德丁卯

福建廉使御史熊相 正德戊辰

北道巡按御史朱實昌 正德戊辰

茶陵州知州臨城縣令劉嘒 嘉靖乙酉

贈禮部侍郎原任太常寺卿國子監祭酒教銑 嘉靖乙未

光祿大夫少保兼太子太保禮部尚書贈太保諡文端 嘉靖乙未

吳山 嘉靖乙未 探花

浙江嚴州府學教授吳會 嘉靖歲貢

翰林院待詔文似韓 嘉靖壬子

承務郎兩淮都轉運使判官范國忠 隆慶貢

浙江驛傳副使范世美 萬曆甲戌

贈禮部尚書諡文穆原任禮部右侍郎教文正 萬曆丁丑

冀州司訓封中憲大夫陳碧川 萬曆貢

左廷尉大夫太僕寺卿朱吾弼 萬曆己丑

福建海道副使陳良材 萬曆己丑

壽昌知縣王廷芝 萬曆甲午

中大夫雲南右叅政陳儒 萬曆乙未

兵部左侍郎贈兵部尚書陳邦瞻 萬曆戊戌

福建汀州府教授陳元琛 萬曆貢

福建建寧同知陳紹美 萬曆己酉

遵義府推官陞任知州熊廷相 萬曆貢

北京山西道御史加俸一級王一鶚 天啟壬戌

詰贈奉直大夫刑部員外熊一粹 崇正甲戌

中憲大夫湖廣寶慶府知府熊茂松 崇正辛巳

貢士劉子立 萬曆朝

國朝

國子監祭酒陞詹事府少詹兼翰林院侍講學士徐日

暄 康熙戊辰

太子太傅文華殿大學士兼吏部尚書世襲騎都尉加

贈太傅諡文端朱軾

康熙甲戌

以上兵六十二人俱崇祀鄉賢祠

大成殿禮儀陳設

正位用白色制帛一 白磁爵三 牛一 羊一 豕一

登一 銅二 簋二 籩二 豆十 酒罇一

祭品雍正三年添設大牛

正位 帛 爵 牛 羊 豕 登實以大羹 銅實以

和羹 簋實以黍稷 籩實以稻粱 鬯實以形鹽烹

魚棗栗榛芡鹿脯白餅黑餅 豆實以菹菹醢醢菁

菹鹿醢芹菹兔醢筍菹魚醢脾柝豚拍 酒罇

祭器乾隆十年新 頒

木祝版二座 磁登壹個 磁彘貳個 磁鼎拾陸個

磁毛血磔拾陸個 毛血銅盆貳口 磁硯貳拾貳個

磁簋陸拾壹個 磁香鑪拾捌個 磁簋陸拾壹個

磁著罇捌個 磁壘罇拾個 磁爵伍拾肆個 竹籩

貳百肆拾陸個 木豆貳百肆拾陸個 木饌盤拾陸

個 木俎貳拾架 木燭台伍拾叁對 紅綉幕幃捌

個 銅勺捌個 錫盥盆貳口 盥盆架貳座 錫

毛沙池貳個

筐盒拾捌個

木牲盤拾捌個

木高

照肆拾陸座

鐵燎爐貳座

鐵庭燎捌柱

鐵燎叉

肆把

供桌陸張

綉桌幃拾捌個

舊存

大銅爐壹座

銅瓶壹對

鐵燭台壹對

中銅

爐肆座

銅瓶肆對

錫爵杯貳拾個

錫籩豆貳拾

個

銅爵叁個

樂器乾隆十年新

頒

大鼓壹架

楹鼓壹架

緞傘蓋壹頂

應鼓壹架

數

鼓壹架

搏拊貳架

琴陸張

琴桌陸張

瑟貳架

笙陸攢

龍笛陸枝

鳳簫貳排

洞簫陸枝

埙貳

盒

篋貳枝

祝壹座

啟壹座

籥肆拾捌枝

籥

肆拾捌枝

羽毛壹百肆拾捌枝

石磬拾陸面

銅

鐘拾陸口

鐘磬架貳座

象簡陸塊

麾旒貳座

旌節貳座

千貳塊

威貳塊

樂章

康熙八年訂正樂章改革名和為平稱中和
韶樂五十五年奏准千字樂章通行唱贊

迎神奏咸平

大哉孔子先覺先知與天地參萬世之師

祥徵麟紱韻答金絲日月既揭乾坤清夷

初獻奏寧平

予懷明德玉振金聲生民未有展也大成

俎豆千古春秋上丁清酒既載其香始升

亞獻奏安平

式禮莫愆升堂再獻響叶鼓鏞誠孚鼻獻

肅肅雍雍卷鬣斯彥禮陶樂淑相觀而善

終獻奏景平

自古在昔先民有作皮弁祭菜於論思樂

惟天牖民惟聖時若曩倫攸叙至今木鐸

徹饌奏咸平 先師有言祭則受福四海嚮宮誰敢不肅

禮成告徹毋踈毋瀆樂所自生中原有菽

送神奏咸平 鳧繹峨峨洙泗洋洋景行行止流澤無疆

聿昭祀事祀事孔明化我蒸民育我膠庠

祝文 乾隆九年

文曰維 先師德隆千聖道冠百王揭日月以常行自生

民所未有屬文教昌明之會正禮和樂節之時辟雍鐘

鼓咸恪薦于馨香泮水膠庠益致嚴於籩豆茲當春秋仲

祗率彝章肅展徽忱聿將祀典

祀儀 乾隆四年 定

致祭前期一日承祭官至

文廟觀樂觀畢具朝服上香行三跪九叩頭禮畢至省牲亭

香案前獻爵奠酒揖載牲取血執事生捧送各壇供奉

承祭官俟案設畢一揖退

正祭日承祭官正獻正印官主之分獻教諭訓導主之兩

廡分獻佐貳主之正獻如正印官公出以教職代其同

城武職俱照文職一體入廟陪祀 執事生通贊二人

贊引二人 讀祝一人 監洗濯二人 監宰一人

收受祭物一人 監庭燎 瘞坎二人 陳饌一人

司帛五人 司盥一人 司悅一人 司香燭一人

瘞毛血六人 飲福受胙二人 樂舞生樂部生四十

八名 舞部生四十八名 明禮生一名 成樂生一名 麾幡生二名 旌節生二名 千二名 威二名

俱集陰陽生報鼓三次贊引生引至台下立通贊唱樂舞生就位執事生各司其事承祭官分獻官陪祀官各就位贊引生贊就位 承祭官就拜位立分獻官及陪祀官各隨後立通贊唱瘞毛血 執事生捧毛血盤出瘞畢

通贊唱迎神奏樂 奏咸平之章樂作贊引生贊跪叩興

承祭官分獻官陪祀官俱行三跪九叩頭禮畢樂止通贊唱奠帛行初獻禮奏樂 奏寧平之章樂作贊引生贊

詣盥洗所贊引生引承祭官詣盥洗所贊引生贊盥洗畢贊引生贊詣酒尊所贊引生引承祭官詣酒尊所贊

司尊者舉爵酌酒贊陞壇贊引生引承祭官由東階上進殿左門贊詣

至聖先師孔子位前 承祭官至案前立贊上香跪 承祭官跪

贊獻帛 司帛生捧帛跪進 承祭官受帛拈舉獻畢贊引生贊獻爵 司爵生捧爵跪進 承祭官受爵拈舉獻畢贊

叩興 承祭官叩興贊詣讀祝位 承祭官至讀祝位立讀祝生至案前捧祝版立于案左樂止贊引生贊跪 承祭

官跪讀祝生分獻官陪祀官俱跪贊引生贊讀祝文讀畢捧祝版至正位案前退樂作贊引生贊叩興 承祭各

官三叩頭興通贊唱行分獻禮壇下贊引生各引分獻官照主祭官行禮版內贊引生贊詣

復聖顏子位前承祭官就位立贊上香跪承祭官跪贊獻

帛司帛生捧帛跪進于左承祭官受帛拱舉獻畢贊獻

爵司爵生捧爵跪進于右承祭官受爵拱舉獻畢贊叩

興承祭官一叩頭興贊詣

宗聖曾子位前獻帛獻爵如前儀畢贊詣

述聖子思子位前獻帛獻爵如前儀畢贊詣

亞聖孟子位前獻帛獻爵如前儀畢贊

十二哲

兩廡分獻官俱照承祭官行禮畢贊引生贊復位承祭官

分獻官各復位立樂止通贊唱行亞獻禮奏樂奏安平

之章樂作贊引生贊陞壇獻爵如初獻儀畢贊引生贊

復位承祭官分獻官各復位立樂止通贊唱行終獻禮

奏樂奏景平之章樂作贊陞壇獻爵如亞獻儀畢贊引

生贊復位承祭官分獻官各復位立樂止通贊唱飲福

受胙贊引生贊詣飲福受胙位承祭官至殿內立司酒

胙二人捧酒胙至正位案前拱舉至福胙位右旁跪接

福胙二人在左旁跪贊引生贊跪承祭官跪贊飲福酒

承祭官受爵拱舉授接爵者贊引生贊受胙承祭官受

胙拱舉授接胙者贊引生贊叩興承祭官三叩頭興贊

復位承祭官復位立通贊唱行謝福胙禮贊引生贊跪

叩興承祭官分獻官陪祀官俱行一跪三叩頭禮興通

贊唱徹饌奏樂奏咸平之章樂作徹畢樂止通贊唱送

神奏樂奏咸平之章樂作贊引生贊跪叩興承祭官分
 獻官陪祀官俱行三跪九叩頭禮興樂三通贊唱讀祝
 者捧祝司帛者捧帛各恭詣瘞所承祭官退至西旁立
 俟祝帛過仍復位立通贊唱奏樂奏咸平之章樂作贊
 引生贊詣望瘞位引承祭官望瘞至望瘞位立祝帛焚
 半贊禮畢退

四配陳設

每位用白色制帛一 白磁爵三 羊一 豕一 銅二

簋二 籩二 籩八 豆八 酒罇一

祭品

帛 爵 羊 豕 銅 簋 籩 實同正位 豆 視正

位減白餅黑餅 豆 視正位減脾析豚拍 酒罇

十二哲陳設

東西各六案東六案用白色制帛一 白磁爵各一 豕

一 銅各一 簋各一 籩各一 籩各四 豆各四

豕首一 西六案同

祭品

東西各六案帛 爵 豕首 銅實同配位 簋 籩 分實

黍稷減稻粱 豆 視配位減藁魚榛菱芡 豆 視配位

減菹菹醢醢筍菹魚醢 東西共酒罇

兩廡陳設

東廡用白色制帛一 銅爵各一 豕首一 豕肉二

每案簋一 籩一 籩四 豆四 西廡同

祭品

帛 爵 豕首 豕肉 每案簋籩豆實俱同哲位

酒罇

附

誕日 雍正五年每歲八月二十七日

至聖先師孔子誕辰恭值此日文武官各致齋一日不理刑

名禁止屠宰

一每歲祭文廟日先祭

崇聖祠

先師父叔梁紇在宋咸寧間始封齊國公元至順初進封啓

聖王至明世宗朝復改稱啓聖公詔天下學各建特祠

奉祀事以顏路曾皙孔伯魚孟孫氏配皆稱先賢以宋

程珦朱松蔡元定從祀後又益以周輔成張迪皆稱先

儒每祭

先師之子夜先祭

啓聖公教諭主祭訓導分獻行三獻禮

齋戒 與祭文廟同

陳設 雅正元年 定春秋致祭牲牢酒醴 籩豆簋每位俱始 必聖王例陳設

正五位 每位用白色制帛一 白磁爵三 羊一 豕

一 銅二 簋二 籩二 豆八 酒罇一

祭品 與大成殿配位同

祝文 乾隆九年 頌

文曰維

王奕葉鍾祥光開聖緒盛德之後積久彌昌凡

聲教所覃敷率循源而溯本宜肅明禋之典用申守土

之忱茲屆仲春秋律修祀事

祀儀

正祭日承祭官及執事人等俱集通贊唱執事者各司其

事承祭官就位分獻官就位承祭分獻各官各就拜位

立通贊唱迎神贊引生贊跪叩興承祭官分獻官俱行

二跪六叩頭禮興通贊唱奠帛行初獻禮贊引生贊陞

壇承祭官入殿左門贊引生贊詣

肇聖王位前承祭官詣位前立贊引生贊上香跪承祭官跪

贊引生贊獻帛獻爵獻畢贊叩興承祭官一叩頭興贊

引生贊詣

裕聖王位前次詣

詒聖王位前次詣

昌聖王位前次詣

啟聖王位前各獻帛獻爵如前儀畢贊引生贊詣讀祝位承

祭官至讀祝位立讀祝生至祝文案前捧祝版立于案

左贊引生贊跪承祭官分獻官皆跪贊引生贊讀祝文

讀祝生跪讀畢捧祝版安于案上退贊引生贊叩興承

祭官分獻官俱三叩頭興通贊唱行分獻禮壇下贊引

生引分獻各官皆承祭官行禮殿上贊引生贊詣

先賢顏氏位前次詣

先賢曾氏位前次詣

先賢孔氏位前次詣

先賢孟氏位前獻帛獻爵如前儀

兩廡分獻官陞壇獻爵獻帛俱始承祭官行禮畢贊引生

贊復位承祭官分獻官復位立通贊唱行亞獻禮承祭

官分獻官各獻爵如初獻儀畢復位立通贊唱行終獻

禮承祭官分獻官各獻爵如亞獻儀畢復位立通贊唱

飲福受胙如文廟禮畢行謝禮胙禮一跪三叩頭畢通

贊唱徹饌送神贊引生贊跪叩興承祭官分獻官俱行

二跪六叩頭禮興通贊唱司帛者捧帛司祝者捧祝各

詣燎所燎祝帛贊引生引承祭官詣燎所望燎祝帛焚

半贊禮畢退

配位陳設 白色制帛二 每位銅爵三 豕首一 豕

肉一 簋一 籩一 籩四 豆四 酒罇一 祭品與大成殿

哲位

兩廡陳設 白色制帛二 每位銅爵三 豕肉一 簋

一 籩一 籩四 豆四 酒罇一 祭品與大成殿哲位同

名宦祠 鄉賢祠 陳設祭品祀儀祝文俱始常例行

學宮基址

東至江熊陳三姓屋廡為界自明倫堂後東邊直至王姓

門首止共計二十四丈五尺橫自東至西進龍池岸止

卷之二 學校

共計一十四丈五尺西邊直自王姓門首起至營門止
共計五十二丈南至城牆凡學前空地及魯公祠兩邊
店房四間皆學內管業

學田

高沙早田九十工晚田四十二工有庄屋傾圮僅存基地
外又空地一片

石上早田原額七十零半工近因山水壅塞僅存四十二
工

平湖早田七工邑侯盛公鍾賢置為贍學之資盛公歿後
至康熙三十三年從祀名宦合庠以其租借公生辰祭
品每歲致祭

毛坊田六工本邑儒童陳上國送

一都灘上徐氏門前田七工乾隆十年清湖儒童甘英送
三都符家門前田十三工乾隆十一年本邑監生朱尹輔
送

以上俱係贍學民田共計糧

外另有解

學憲田租厯係高安縣管理

附池二口一名進龍池在學宮傍西東至學塙西至倉
牆北至城牆南至河 一在學對面隔河靈泉寺前古
號白鶴池其地四時無水間遇春水灌溝而入其形似
鶴故名

附文昌閣祭田在府背岡共計早晚田一百零四工一角
熟地一十一工零一角內胡助田十工魚水塘大小共一
十五口庄屋一重土房六間本庄周圍山林樹木地基
東北胡姓山為界西南本庄田地為界又盧仝山一障
八分之一又墳山一障除古墳以外俱文昌閣管業文
昌會田一百零四工康熙四十九年邑侯林公運鑑捐
俸創建令所知六十人醵銀成會分班輪管林公殁會
衆即以會銀收息併祀林公雍正六年會人將田私相
買賣以致會散祭滅乾隆十四年郡伯沈公瀾振興文
教開設義學清復其田將所收租穀除春秋祭祀外給
義學膏火令兩學經營永社復吞乾隆二十四年知府
楊公仲興撥歸鳳儀書院

學額

庠生 明隆萬天啟間三年歲科一試崇正庚午歲科始
分每試錄儒童六十名內撥入府學二十名餘四十名
隸縣庠戊寅甲申間督學侯伺曾兵炳復于大收廣額
或十名或二十名不等遂增至八十名

國朝順治初年因之順治十三年奉 部議定大學額取
四十名十六年復奉 部文歲科兩試併為一試大學
裁至十五名本縣除入府學外每試取十五名入縣學
雍正三年奉

旨大學加增五名本縣每試取進縣學二十名取進府學十二

三名至十五六名不等

武學 順治初年彷彿之舊精騎射通策論者取進二十

五名寄儒學肄業四年定大學取 名中學取三十

名小學取 名厥後遞減十八年併歲科為一考三

年一試康熙九年題准大學取 名中學取十二名

小學取 名十二年仍行歲科兩試二十二年復如

九年例歲科一試

廩生 明制縣學廩膳生員二十名每生給廩銀六兩膳

銀二兩遇閏加增五錢崇正乙亥年知縣蔡國光捐餘

米作興每生增銀四兩共十二兩後遂為例

國朝順治初年間因之至十二年止給廩膳銀八兩十四年

奉裁三之二每生給二兩六錢六分六釐康熙二年全

裁尋復准給每生廩銀二兩遇閏增銀一錢六分六釐

著為例

書院社學

本縣社學南北城原各設一兩正德八年知府鄺璠增為

十兩隨方命名至十年又增為十四兩易為字號歲久

事湮天啟六年會稽陶履中更新之因其字號而載其

地名禮字號在叢桂坊今北城縣後舖 樂字號在禮義

坊今南城南關舖 射字號在翔鳳坊今南城上水舖

御字號在朝天坊今南城義井舖 書字號在景行坊

今北城新市舖 數字號在高明坊今南城申明舖

格字號在連通坊今南城連通舖 致字號在明倫坊
今城北街口舖 誠字號在仁濟坊今南城仁濟舖 正
字號在妙高坊今北城赤土舖 修字號在朝陽坊今
南城沙路舖 齊字號在儒榮坊今南城儒榮舖 治
字號在狀元坊今南城市南舖 平字號在迎恩坊今
北城縣下舖

共計十四所今俱廢

筠陽書院

在南城朝天坊宋郡學基也紹興二十二年

因學徙于鳳山基遂廢為廣福寺元豐間蘇子由謫筠
兄子瞻使道眎之寓馬先夕無約而夢同因扁其堂曰
同夢明正德八年廣福寺燬于火知府鄭璠建為書院

正堂五所餘飾其舊併樹門二座榜曰筠陽書院中有

文化堂三間會講堂三間在正堂後同夢堂四間在會

講堂後詩經堂一間在東廊書經堂一間在西廊周易

堂一間春秋堂一間在會講堂左禮記堂一間在會講

堂右儀門三間正門三間書樓六間在同夢堂左廚房

三間茶廳一間並在同夢堂右過路亭一座在正堂後

嘉靖二十六年推官潘仲驂修葺建吾與亭三間于東

廊之左改筠陽書院為尊道書院規制益備置田徵租

以贍四學生徒之貧而攻苦者萬厯中知府周之基重

加修葺崇正辛未督學蔡懋德躬請本邑布衣謝與棟

講學其中士夫果集

國朝初堂亭傾廢無存康熙九年郡守劉登科慨然復古捐貲重建頭門三間儀門三間正廳育賢堂三間東西廊各七間後謙益堂三間東西廊各三間兩旁建七賢祠潘公祠稍做舊制煥然復新仍榜之曰筠陽書院併購書八部以資公覽後捐俸一百兩置買學田一百一十五工每年收田租若干除納課外計剩若干以供肄業者膏火之資今書院久廢作人雅化至今傳誦弗衰

附筠陽書院書籍文獻通考一部計一百八十本性理大全一部計三十本玉堂通鑑一部計三十四本二十一史一部計

諸子彙函一部計十四本

公文集一部計八本

共計八部今殘缺

附筠陽書院田

一在三十六都地名高坪計田七十三工

一在二十二都地名塔里計田四十二工零半角

共計一百一十五工零半角

附筠陽書院基

東後一截至巷前一截至趙家地南至官

衙西至楊趙二姓屋廩北至熊家地今

上諭亭其故址也

舊志按萬曆初柄朝政者議毀書院筠陽亦在其中時中

丞傅公捐貲抵其值天啟六年逆璫復欲盡毀天下

書院奉檄變價甚急知府陶履中託改公署申報未

允然議漸息書院之得以獨存者數公之力葢未可

泯云

鳳儀書院 在府署後鳳山側乾隆二十四年太守楊仲
興倡率三縣人士創建三邑俱置有田畝竹山併書院
基址事詳鳳儀書院志

養正書院 在飛躍亭下乾隆五十二年太守都世喜倡率
合邑紳士創建置有田畝今已撥入鳳儀書院另載鳳
儀書院田畝項下

樂善書院 在府治西宋知州王淹建立六齋以訓宗族
子弟開府儀同三司趙不黯崇祀于此

西澗書院 在縣市南宋紹興間郡侯鮑貽遜為三劉先
生創也後因兵燬郡侯陳毅徙置府治之東名三劉祠
中有夫子燕居堂至元間郡守高即重修王義山楊薦

已各為之記又山樓孟克有西澗書院懷古詩載藝文

槐東書院 在新豐鄉槐山太學生謝廷建于家塾中有
先師堂光霽亭賢遊亭退省軒竹風亭晚秀樓感道閣
沈硯池州判陳袍為之記廖暹有槐東八詠

桂巖書院 在調露鄉洪城唐幸南容初宋幸元龍重脩
有記周益國公大書桂巖書院四字額之成化間幸順
迪重脩劉草有記

綠槐書院 陳天成建郡鄉族之子弟貧而敏慧者入其
中聘明師訓之仍時給其廩餼賴以成立者甚眾

白雲書院 在調露鄉幸槐林創孫文興續建有記

文溪書院 在新豐一鄉善富宋咸淳末陳仲微初正德

初訓導陳瓚重脩

讀書堂 在十一都新豐鄉之鈞山劉凝之讀書處幸元

龍有水玉堂記

胡宗元讀書堂 在魯公嶺宗元係新喻人容高安而築

書堂於此

南壕書院 在府城一笑橋之西南中有嘯閣邑人吳江

吳滙兄弟所建讀書處郡侯魯史陶履中邑人熊茂松

有詩載藝文

傍運書院 在南城蓮花池上邑人劉慟子講學藏書之

處柱聯云數十年針砭終逼出一盤惡衣惡食之耻皮

毛腸胃灑然輕二三子切莫誇張幾部多聞多見之

奇徑路坊壇平處寶

問青別業 在拱辰門外邑人徐維喬兄弟讀書處旁築

益菴

息園書院 在北城碧落山後邑人徐瑒如讀書處

栢桂齋 在四都三山舉人楊錫父際泰課子書院

祀典

一每歲春秋二仲月上戊日府官率僚屬致祭

社稷壇 在阜城門外

壇制 奉 部頒式累石為壇東西南北各二丈五尺高

三尺四寸階各三級壇下東西南各五丈北十二丈或

九丈五尺繚以短垣四面為門飾以丹從北出入壇設

石主二高二尺五寸方一尺立壇土中不鑄神號外置木主二高二尺四寸寬六寸座高五寸寬九寸五分府書府社府稷之神縣書縣社縣稷之神

齋戒 先期執事官員人等各于家致齋三日 按

大清會典凡致齋日大祀三日中祀二日小祀不懸齋戒牌

亦不致齋所戒不理刑名不宴會不聽音樂不入內寢不問疾不弔喪不飲酒不食葱韭薤蒜不祈禱不報祭不祭墓其灸艾體氣殘疾瘡毒未愈者俱不許陪祀

陳設 每位用黑色制帛一 白磁爵三 羊一 豕一

鈿二 簋一 簋一 邊四 豆四

祭品 鈿實和菱簋實黍稷簋實稻粱邊實形盥橐魚束

粟豆實並蕝醢醢青蕝鹿脯

祝文

文曰維 神奠安九土粒食萬邦分五色以表封圻育三

農而蕃稼穡恭承守土肅展明禋時屆仲春敬修祀典

庶九丸松栢輦盤石于無疆翼翼黍苗佐神食于不價

祀儀

正祭日各官具朝服至壇贊禮生引至行禮處通贊唱排

班承祭官及各官排班立唱 班齊瘞毛血迎

神贊引生贊跪叩興承祭官及各官俱行三跪九叩頭禮

興通贊唱奠帛行初獻禮贊引生引承祭官詣盥洗所

贊盥洗盥洗畢贊詣酒尊所司尊者酌酒贊引生贊詣

司社神位前承祭官至案前立贊引生贊跪承祭官跪贊

獻帛司帛生捧帛跪進承祭官受帛拱舉獻畢贊引生

贊獻爵司爵生捧爵跪進承祭官受爵拱舉獻畢贊引

生贊叩興承祭官叩興贊引生贊詣

司稷神位前承祭官獻帛獻爵如前儀畢贊引生贊詣讀

祝位承祭官詣讀祝位立贊引生贊跪承祭官及各官

皆跪贊讀祝文讀畢贊叩興承祭官及各官俱三叩興

贊復位承祭官就原位立過贊唱行亞獻禮贊引生贊

詣

神位前贊獻爵如初獻儀畢贊引生贊復位承祭官復位

立過贊唱行終獻禮贊引生贊詣

神位前贊獻爵如亞獻儀畢贊引生贊復位承祭官復位

立過贊唱飲福受胙贊引生贊詣受福胙位承祭官就

位立捧酒胙者捧酒胙至福胙位右旁跪授酒胙者在

左旁跪贊引生贊跪承祭官跪贊飲福酒承祭官受爵

拱舉授接爵者贊受胙承祭官受胙拱舉授接胙者贊

叩興承祭官一叩頭興贊復位承祭官復位立過贊唱

謝福胙贊引生贊跪叩興承祭官及各官俱行一跪三

叩頭禮興過贊唱撤饌送神贊引生贊跪叩興承祭

官及各官俱行三跪九叩頭禮興過贊唱讀祝者捧祝

司帛者捧帛各詣壑所過贊唱望壑贊引生贊詣望壑

所承祭官至壑位立祝帛焚畢贊禮畢退

一每歲春秋二仲月上巳日致祭
風雲雷雨山川城隍壇在高明門外

順治初定風雲雷雨山川城隍之神共為一壇雍正二
年定安設神位風雲雷雨之神居中山川之神居左城
隍之神居右其壇制與社稷同上立后土三如制外置
木主三一書風雲雷雨之神一書境內山川之神一書
本縣城隍之神

齋戒 與祭社稷同

陳設 每位用白色帛一 白磁爵三 共用羊一

承一 銅二 簋二 簋二 遵四 豆四

祭品與社稷壇同

祝文 雍正九年 頒

文曰維 神贊勳天澤福佑蒼黎佐元化以流形生成永
賴秉氣機而鼓盪溫肅攸宜磅礴高深長保安貞之吉
憑依鞏固實資捍禦之功幸民俗之殷盈仰神明之庇
護共修歲祀正值良辰敬潔豆遵祇陳牲帛

祝儀 與祭社稷同惟改望瘞為望燎

一每歲仲春月亥日正印官率屬員耆老農夫致祭

先農壇 在迎恩門外

雍正四年設立先農壇每歲致祭行耕藉之禮五年定
壇位規制壇高三尺一寸縱橫各二丈五尺上奉神牌
牌高二尺四寸寬六寸座高五寸寬九寸五分紅牌金

字填寫先農之神

齋戒 先期主祭各官俱致齋二日

陳設 雍正四年 定

帛一 羊一 豕一 釧一 簋一 簋一 遵四

豆四 酒罇一

祭品 與社稷壇同

祝文 乾隆二年 頒

文曰維 神肇興稼穡粒我烝民頌恩文之德克配彼天
念卒育之功陳常時夏茲當東作咸服先疇洪維九五
之尊歲舉三推之典恭膺守土敢忘勞民謹奉彝章聿
修祀事惟願五風十雨嘉祥恒沐于神庥九穗豐岐上

瑞頌書於大有

祀儀 始社稷壇例行

一每歲四月十八日舉行

雩祭

乾隆七年定每歲舉行常雩之禮不另立雩壇即于先

農壇行禮並合祀社稷山川諸神牌

齋戒 先期主祭各官俱致齋三日

陳設祭品祀儀 俱與先農壇同

祝文 乾隆九年 頒

文曰恭膺 詔命撫育羣黎仰體彤廷保赤之誠勤農勸

稼俯維節屋資生之本力穡服田令甲爰頒肅舉祈年

之典惟寅將事用申守土之忱黍稷惟馨尚冀明昭之
受賜來牟率育庶俾豐裕于茲歲

一每歲春分秋分日致祭

龍神祠在義倉左雍正四年奉文建

一每歲三月清明七月望日十月朔日致祭

龍厲壇在社稷壇左俗呼為鬼神壇邑壇統此

明洪武初太祖以兵戈之餘多有死無歸者立壇于北

郊祀之祭時祭告城隍之神用羊三豕三飯米三石香

燭紙隨用

國朝雍正三年添設飯米共九石行三獻禮外有鄉厲壇

每里一所仍依邑厲每歲三祭祭物牲酒紙燭隨鄉俗

置辨今民間于七月十五薄暮具羹飯焚楮錢俗云祭
孤其遺意也

按春秋傳曰鬼有所歸乃不為厲厲壇之設義本諸

此

一每歲八月初二日致祭

城隍祠

府城隍祠 在鳳山西乾隆四十九年太守陳澧重修

縣城隍祠 向附于石橋頭廟中順治十六年知縣王奎

齡創建于縣治之左乾隆五十三年知縣張敦仁移建

于迎恩門內有祀義文迎神祀之併塑各神像以八月初

二為神誕之日祀之又祭山川壇厲壇則迎神以主其

祭凡水旱祈禱官司蒞任皆特祭焉
一每歲春秋二仲月上戊日致祭

闕帝廟在南城朝天坊 上諭亭左

闕帝廟創自唐代明天順間郡守史宗禮修李潯有記萬歷
庚辰建拜亭已酉建朝天閣乙卯郡守陳振揚葺正殿
陳元琛有記

國朝乾隆元年頭門燬本坊衆姓重修易木柱以石牆規
制彌壯前有戲臺一座本坊公建廟內有都憲祠居左
古譚祠居右

闕帝於順治九年

致討忠義神武閔聖大帝雍正三年每歲除五月十三誕日

致祭外春秋二次致祭

齋戒 與文廟同

陳設 與文廟同

祭品 與文廟同

文曰維 帝浩氣凌霄丹心貫日扶正統而彰信義威震

九州完大節以篤忠貞名高三國神明如在徧祠守于

寥區靈應丕昭薦馨香于歷代屢徵異蹟顯佑羣生恭

值嘉辰遵行祀典筵陳饌豆几奠牲醑

祀儀 雍正五年 定承祭官行三跪九叩頭禮乾隆九年

定祀事儀注

先期請牲正祭日各官具朝服齊集廟內陰陽生報鼓

三次贊引生引至行禮處通贊唱執事生各執其事承
祭官就位陪祭官就位承祭陪祭官各就位立通贊唱
瘞毛血執事生捧毛血盤出瘞畢通贊唱迎神跪叩興
各官俱行三跪九叩頭禮興通贊唱奠帛行初獻禮贊
引生贊詣盥洗所贊引生引承祭官詣盥洗所盥洗進
中贊引生贊詣

闕帝神位前跪上香獻帛獻爵如文廟儀畢贊叩首興承祭

官一叩頭興贊引生贊詣讀祝位承祭官至讀祝位立
讀祝生捧祝文立于案左贊引生贊跪承祭官陪祭官
皆跪贊讀祝文讀祝生跪讀畢贊引生贊叩興承祭各
官俱三叩頭興贊復位承祭官復位立通贊唱行亞獻

禮如初獻儀畢唱行終獻禮如亞獻儀畢唱辭神跪叩
興各官俱行三跪九叩頭禮興通贊唱讀祝者捧祝司
帛者捧帛各詣瘞所承祭官望瘞如文廟儀禮祝帛焚
半贊禮畢退

一每歲祭闕帝日致祭

闕帝後殿雍正三年加封

闕帝三代

曾祖光昭公

祖裕昌公

父成忠公皆供奉後殿每歲照闕帝例三次致祭

齋戒與闕帝同

卷之七 學校

三

陳設 不用牛餘炷前殿例

祭品 與前殿同

祝文 乾隆九年頒

文曰維 公世澤貽麻靈源積慶德能昌後篤生神武之

英善則歸親宜享尊崇之報列上公之封爵錫命優隆

合三世以肇裡典章明倫恭逢諏吉祇事薦馨

祀儀 行二跪六叩頭禮餘同前殿儀

文昌宮

一在元妙觀今移建學內

一在迎恩門內嘉慶七年

仁宗睿皇帝

詔天下府州廳縣建

文昌宮祀梓潼帝君宮後建祠祀

文昌先代九年署高安縣知縣陳天爵集邑紳士於迎恩

門內買塗姓地基東至城隍廟西至塗姓屋基南至河

北至官街中建 文昌宮後建

文昌先代祠前建石牌坊右有屋三間為廚爨所

欽頒陳設 祭品 祀儀皆如 武廟每歲二月八月及誕日

三次致祭二月以初三日為祭期其日為上丁不與

文廟同祭別擇期致祭

祝文 嘉慶七年 頒

文曰維 神蹟著西垣樞環北極六匡麗曜協昌運之光

華累代垂靈為人文之主宰扶正又彰夫感召薦馨宣
致其尊崇茲屆仲_時用昭時祀尚其敬格鑒此精虔

一每祭 文昌日致祭

文昌先代

欽定牌位為 文昌帝君先代神位

欽頒陳設 祭品 祀儀皆如 武廟後殿

祝文 嘉慶七年 頒

文曰祭引先河之義禮崇反本之恩矧夫世德彌光廷賞
斯及祥鍾累代炯列宿之精靈化被千秋緯人文之主
宰是尊後殿用答前庥茲值仲_時肅將時事用申告潔
神其格歎

一在

道光_年閏色紳士眾建

一每歲春秋仲月丁祭日致祭

忠義孝悌祠 在府學

陳設祭品祀儀 俱同小祀

祝文

文曰維 靈秉賦貞純躬行篤實忠誠奮發貫金石而不

渝義問宣昭表鄉閭而共式祇事懋彝倫之大性摯我
蒿克恭念天顯之親情殷揀蓍模楷咸推夫懿範綸恩
特闡其幽光祠宇維隆歲時式祀用陳尊簋來格凡建

一每歲春秋仲月丁祭日致祭

節孝祠

在龍神祠左雍正元年奉

文建祀歷代已薨節

陳設祭品祀儀 俱同小祀
祝文乾隆九年 頒

文曰維 靈純心皎潔令德柔嘉矢志完貞全閨中之亮

節竭誠致敬彰閭內之芳型茹水蘊而彌堅清操自勵

奉盤匱而匪懈篤孝傳徽綸絲特沛乎殊恩祠宇昭垂

于令典祇循歲祀式薦尊醪

一每歲春秋二仲月次丁日致祭

四賢祠 在縣治南 祀蘓子瞻黃山谷蘓子由朱元章

七賢祠 舊在筠陽書院今移建在元妙觀 祀周子濂溪程

子明道伊川張子橫渠朱子晦菴陸子象山王子陽明

乾隆二十八年知府楊仲興移祀鳳儀書院增蘓子瞻

子由劉青田為十賢祠

潘公祠 舊在筠陽書院今廢移神主附祀七賢祠 祀明推

官烏程潘公仲騷上二祠康熙十年劉登科建舊志有

五賢祠失考

文山祠 在鳳山後原文信國為祀陶靖節建後人即于

此祠祀信國故名文山祠後人又合祀誠意伯為三先

生祠明郡守陶履中有記

節愍祠 在郡治後即洪山寺故址 祀贈按察司周公憲

及其子幹兩廊祀蕭亮 新喻人 姚一桂鄭勤暨諸戰死

華林者正德八年郡守鄭公璠建邑人况照有記嘉靖

間郡守何公岩復修邑人熊相有記萬歷間郡守陳公

振揚重建有記俱載藝文乾隆二十八年知府楊仲興
移祀新市舖營前合祀前府主趙公祠內額懸周趙二
公祠其基改建鳳儀書院

貞烈祠 在迎恩門內祀通判姜榮妻竇氏及本邑婦女

之死卽華林者明正德七年建大學士嚴嵩記之投學

副使夢陽有詩天啓間郡守陶履中復修巡按御使曹

谷記之王應遴陶舜齡等有詩俱載藝文

昭忠祠 在迎恩門內嘉慶勅建祀川楚死難

呂祖師祠 在府城隍廟內祀

勅封 燮元贊運呂祖師每年二月初四日祭

以上各祠陳設祭品祀儀祝文俱照常例行

高安縣志卷之八

名宦傳

唐

應智頊高安人少年卽有智勇通韜畧善用兵隋末林士

宏攻掠江西智頊於華林山中建置雲柵出賞財與李

英等糾募義兵保障一方威惠並行民賴以靖及武德

五年歸唐為靖州刺史治高安民愛之如父母卒贈尚

書左僕射

按靖州卽今瑞州府志載城西六十里有應使尹宅

舊志仍之而氏族大全謂應智頊者九江人徙居靖

州生為刺史歿為城隍人物志既載入高安又訛入

南昌白志已削彼存此又智頊作知頊

五代

陳承昭南唐人昇元中令高安有治才築羅城濬溝洫百廢具舉甚有政聲

按明一統志載承昭於縣治中初虛憲臺閣邃簾深庭

王顏南唐人以討東甌功擢高安令後加游奕使伐馬楚降四十城得兵八九萬先是唐改靖為米未幾改筠已而廢至是李璟特復筠州以顏授金紫光祿大夫簡較司徒持節筠州諸軍事刺史兼御史大夫上柱國太原縣開國男食邑三百戶保太十年六月到任時狼寇入境顏率義武八十餘人備禦立闕寨以環城市民賴以安

按南唐書保太十年春分洪州高安縣置筠州以王顏為刺史一統志林志俱作王顏舊志因之未知孰是

宋

周堯卿知高安有善政居官祿雖薄必以周宗族戚友罄而後已

按宋史周堯卿字子瑜道州永明人天聖進士知高安提點刑獄楊紘入其境有被刑而耘蒔者紘就詢其故對曰貧以利故為人直其枉令不戢歎而我欺

之又何怨紘至縣以所聞薦之後通判饒州累官太常博士為人簡重有慢己者必厚為禮以愧之

譚申長沙人政和進士張邦昌以為屯田郎中力拒之紹興四年知瑞州事禱旱于郊頃之大雨洽數十里歲飢民不能輸申請罷徵監司督益急國得罪坐降秩後致仕歸民感其仁思立祠祀之號曰古譚

岳飛字鵬舉湯陰人紹興元年李成將馬進陷筠犯洪連營西山飛副招討張浚討之計曰賊貪不慮後若以騎兵自上流潛渡出其不意破之必矣乃令楊沂中絕生米渡飛潛出賊右突其陣進敗走筠飛抵東城設伏選騎二百而前賊易其少得之伏發進敗走飛使人呼曰

不從賊者坐吾不汝殺降者八萬人咸聞進敗自引兵十萬來飛與遇于樓子莊大破之復筠州事詳宋史統制楊沂中從公救筠破賊亦有大功

劉清之臨江人紹興時丞高安嘗奉檄視旱徒步阡陌間親與田父相接凡所蠲除具得其實又請均境內為八俾有粟者分賑之民甚賴焉

徐應龍建寧人初知高安寬不縱明不苛正經界之籍新狴犴之規後人賴之仕至吏部尚書卒謚文肅

按豫章書應龍字允叔淳熙進士知高安縣呂祖儉以言事忤韓侂胄謫死高安應龍經紀其喪且為文誄之有勸之避禍者應龍曰呂君吾所敬雖緣此獲

造亦所願也朱子貽書應龍曰高安之政義風凜然
蕭服字昭甫吉水人由進士為高安縣尉常獲兇盜獄已
具服審其辭疑之且視其刀痕不與及合頃之果得真
盜乃得釋

元

盧源字子玉至元間為本路總管時新昌劉秦差為亂源
戮其渠魁悉宥脅從嘗夜憇亭上隣翁以杖擊物誤中
源翁愧謝源曰毋謝汝誤中耳其度量如此為政始終
燕靜人無間言

禹樞福至正十一年為本路總管紅巾傅受翁等寇府福
督萬戶達旦千戶張懷遠判府何景錄判李麻子討之
斬獲萬餘後又屢敗紅巾結治城邑民賴以安百姓祀
之號曰壽星官至銀青光祿大夫

火逆赤至正十三年以福建左丞統軍來督瑞州萬戶張
岳劉忠山千戶張惟遠李清甫克復本路誅徐壽輝將
况魯天等未幾普天之黨李五率賊圍城凡三閱月赤
糾聚義兵及調苗軍指揮拒戰斬獲萬餘人李五宵遁
去時華林黃嶺等處盜賊蜂起赤且招且討漸平服之
民恃以安後官至平章

劉朝宗至正十八年知高安時兵事擾攘辟選吏胥設社
長坊正助公家為禦敵計一日劇賊張赤脚謀三鼓攻
城朝宗謀知嚴兵以俟戒鼓人勿擊三更賊倦睡達旦

知有備掠牛馬去民賴以安

張珪歸德人至順間知高安為政清明斲獄無滯勸農桑

平賊役歲飢諭富室貸鈔糴糧五萬石活民命無算

按元史張懋傳張珪有異政擢江西檢校拜南臺御

史

劉基字伯溫青田人至順間進士丞高安以蕪卽著發奸

摘伏不避強禦為政嚴而有惠百姓安之以讜直聞江

西行省辟為椽遂去任明興以詔運功封誠意伯

明

沈秩洪武中為高安縣知縣操行清直拊循有方獄無冤

端士民德之祀名宦

何晏井陘人由監生授高安典史持身蕪謹案牘精詳撫

字勤敏而用法嚴毅陞監察御史直聲振于時

陳璣福清人由吏員授進賢倉大使正統元年侍郎趙新

薦之詔知高安璣長才濶畧應酬如響先是邑之遠民

有不附者及璣至示以恩信招徠之有弗率者繩之以

法境內翕然士論歸之

趙新正統十三年以兵部侍郎巡撫江西時劇賊嚴雅則

糾黨謝文彬及謝鳳歷等劫掠鄉村勢甚猖獗官兵不

能制新善算計設法招捕之雅則懼延刦入新昌境欲

結寨以拒新乃便宜偽齋黃招誘之時值歲歉甚新屏

騶從行部鄉落散穀種牛具以安眾心因寓民家密檄

官司募武士械繫以至散伏其室賊日遣數人覘虛實
至則善遇之既而俱來伏卒撲壁格捕殲焉民至今追
思之

梁材景泰中為高安主簿強直不畏豪勢處事有方邑人
頌之

顧純字以正華亭人成化進士知高安政在恤民不事苛
刻歲己亥大旱民不聊生純力請蠲租又勸富民各賑
貸民賴以活記名宦

劉璣字用齊陝西咸寧人成化進士以戶部郎陞瑞州知
府務德化甘清苦家食常不給公服外無餘衣朔望與
諸生講論不倦時新昌盜起璣率兵抵賊巢諭以禍福
賊皆感泣散去識者謂有古循良風累官戶部尚書祀
名宦

葉元玉字廷璽青流入成化進士知高安為人清約脫畧
所居室敞漏亦不脩葺比去任民有賚金出境餽之者
悉却之累官湖州太守

王本義字汝宜松滋人由解元授江陰訓導宏治中陞高
安知縣誠信勤敏每治公事因重聽令兩吏朗誦民詞
且治且聽竟無違錯時廳事久廢塌撤而新之民不知
掇操執堅白八年如一日及致仕去後復以事至瑞民
爭餉以壺漿甚有號泣追送至九江者子相之復中解
元人以為積德之報云

陳訥字近仁常熟舉人宏治中為高安教諭苦心經學博古能文教人有方陞衢州教授

袁瑤字廷璧山東成山衛人有膽氣善騎射正德中為高安主簿當道委以捕賊不避艱險十年建昌賊首徐九齡等聚眾體源洞兇熾甚熾瑤承檄統兵分勦與賊對敵死于陣其子鳳翔亦殉父死事聞贈知縣從祀節愍祠子併祀

鄺璠字廷瑞號阿陵任邗人正德進士先任吳縣知縣以能稱歷陞本府知府卒未蒞任之日華林盜猝至公素諳兵畧率子弟僕從挾民兵登譙樓手發毒矢射卻之及賊退尤多方勦捕築城堡謹坊巷調兵旅踰年而賊

始滅民得安堵皆公之力也在任彰善彈惡備廢舉陞又嘗毀淫祠興學宮纂輯府志所行惠政難以枚舉且執法不私因忤時貴而罷筠人嘆慕祀遺愛堂

周憲字時敏安陸州人宏治進士正德壬申分巡南昌道值華林賊突起勢方張憲苦無兵率田野之民破瑪瑙仙女雞冠等寨誅賊首胡士安等及賊黨千餘人賊斂兵自保居民始獲耕佈既而進逼華林寨門伏賊突起自己及午勢力相當奈我兵不繼致憲死焉憲子幹聞父被圍急麾兵直前與降賊陳廣義兵周舍皆戰死遠近聞之如喪考妣事聞詔贈按察使謚節愍立廟祀之幹表孝烈從祀

胡堯元字廷獻號二峯蒲圻人正德進士任戶部主事以
抗直謫高郵州判尋遷本府通判時宸濠謀逆堯元先
軍吳城戴笠步歸遂練兵為討賊計未幾逆黨李儀賓
統鄉兵數百自上高下逼郡城堯元率勇士一鼓盡擒
戮于石鼓潭宸濠氣沮旋挾童琦通判率師自章江門
入搗其巢穴宸濠狼狽就擒堯元之力居多朝廷旌其
功陞本府知府尋陞廣西左叅政在郡多德澤瀕行老
少泣留者數萬人祀遺愛祠

姜榮字仁甫浙江餘姚人進士以工部主事左遷本府通
判署府篆造華林賊猝至榮以印屬妾竇姬急出募兵
扼埋印于池城破被執姬給賊釋被虜或老報官索金
帛贖我遂宥囑白印于官或老去即投井死事詳嚴萬
記中榮因此得印募兵四至賊亦稍卻會知府鄭璠至
榮與戮力勦賊又相與脩繕城池屹成保障郡人賴之
叅議沈煉有記竇奉詔旌祠另有傳

許仁卿字天爵臨海人應天解元嘉靖二十年任本府知
府會大飢穀價騰踴仁卿多方救濟全活甚衆有饑殍
填壑者為捐俸殮之時謂筠一日無公則生無所養死
無所歸又捐俸倡僚屬建仁濟橋親詣鄉都勸民樂助
不踰年而告成功在永世議祀名宦

鄧之屏四川巴縣人嘉靖進士隆慶年由部郎知本府下
車即作興人才集四學之俊會文筠陽書院躬親評閱

月給膏火且戒以德行先于文藝令自新以相警士習
瞿然向化是科發解魁九人累科連發者盡出其間會
大旱布衣步禱至為流涕甘露隨沛明年復荒勸富室
樂助幾萬石平糶賑窮施糜粥民獲更生且立倉以垂
永利閩高安賦額偏重極陳當道為之輕減又以民苦
徭役取回九江協濟請行條編法時有治郡如家愛民
如子禮士如賓之稱陞蘓松兵備副使去之日筠人如
失慈母痛哭遮留至今追慕讖祀名宦

端廷赦字世恩直隸當塗人嘉靖進士知高安縣以德化
民設立聽息牌凡有詞訟願休者聽其講和無纖毫科
罰督稅則寬立三限不假筭楚而民自樂從有遠年收
贖監追無措者則捐俸助之尤優禮庠序季終考試必
品第其優劣講析義理人倫知勸刑清訟簡政善民安
以給由赴部老勿泣送尋遷御使累陞都御史

廖希顏字叔愚茶陵人嘉靖進士知高安縣少年精練清
廉公謹時督率諸生講肄憤學基侵缺與教諭王道協
謀復舊址創尊經閣啟聖祠敬一亭文明坊踰月成工
而民不擾擢工部主事累陞提學副使按察使

江珍字民璞歙縣人嘉靖進士知高安縣首重學政多士
嚮風持大體公廉有威不用勾攝不煩刑撻而賦役自
平尤興廢舉墜生平博學工文章如三侯去思碑邑宰
題名記皆其所立以風後任者內召禮部主事至今筠

人屈指賢令首推之

葉應乾字際清嘉靖進士知高安縣練達明敏庭無留訟
吏書斂足不敢窺堂尤重學政奮公義先是儒學衙內
東隅一方舊井及地基為居民侵佔乾與教官郭文煥
胡承意包一龍協謀復之規局始正今學有龍見井碑
陞南刑部主事凡筠人往金陵者情若家人父子民益
懷之

王道字貴成柳州衛人由舉人為高安教諭正直慷慨見
義必為凡知縣廖希顏所建尊經閣等蹟皆道董之遷
國子監學政去任時侍御教鉞贈以詩云先生多少千
城力樹在高安孔子庭後歷陞通判知州清節不渝卒

於金菴貧無以殮賴本邑宦京者雅重朋贈始歸其喪
祀名宦

趙參魯號心堂浙江鄞縣人隆慶辛未進士改庶吉士尋
改給事中以建言忤權貴謫高安典史典新建鄧文潔
南昌萬先祿皆以道義相為聲氣後陞推官去擢福建
學使累官南京吏部尚書風裁屹立始終不移為一時
大臣之望吏部三上中書不調致仕士論高之

按此則沈詩所云送趙給事尉高安即其人也郡志
不載入秩官而列之流寓中今為改正

岳方南充人由舉人任高安知縣清而慈務與民休息訟
者溫詞勸釋多感化而退陞大理寺評事民肖像祀之

盧奇祁陽人由進士任高安知縣禮士愛民悉出真誠大田無私雖一則派糧實由于上之不許減額非其本心民故德之

謝倬祿吉安人為高安教諭以學行稱

李生春吉水人為高安教諭亦以學行稱祀名宦

陳江長樂人由例貢為高安縣丞以劉誠意曾為此官扁其署曰景劉堂矢志水清六載如一日上官屢旌其廉署縣事能聲益著歲饑捐貲賑貧殞死者上下稱其仁陞興國州同

何士俊瓊州人由吏員為高安主簿清苦特甚自謂身起微賤當以操守自樹敝冠緼袍百姓有河邊馬之稱且

憫運免之苦盡革常例惟正副交免免時挺身與運旗面折民免刁勒之苦者三年以不事途迎陞王官去與論惜之議祀名宦

周御湖廣湘潭人萬歷進士以戶部主事監免江西憫高安浮賦之困特疏痛陳減舊例銀一萬兩民感其德至今尸祝弗替

王以通龍巖人進士萬歷壬辰知本府憫高安倍賦之苦乃特自具疏擬聞于朝民頌之議崇祀

孟紹慶江夏人萬歷進士補知瑞州專尚德化兩訟質于庭任其几下爭辨不加鞭扑有古劉寬長者風而剖決如流民不敢欺且不忍欺憫高安重賦條陳改折以甦

民困甫而蒼陞雲南副使議祀名宦

戴尚志浙江蕭山人萬歷中以刑部郎出知本府實心愛民無勾攝之擾無留滯之獄憫高安苦兌運有至破產鬻妻子者且累及完戶再賂于是日與知縣田一甲議為甦民久遠之計無如官免乃令糧簿先期排定船隻民運至舟官押赴省闈邑免無窮之累民甚賴之陞雲南副使父老遮留不忍別

周之基字季子湘潭人萬歷進士由戶部郎出知本府首問民疾苦知高安受倍賦之累前守王公以通特疏具奏未有成議基謂賦役之苦不如父老自行陳乞庶可邀恩即草疏令民人王寬等詣闕請命又多方調停現

徵之科務寬民力他如葺學宮脩廨署以至舟橋河墩城樓雉堞靡不飭之一新竟以催科從寬為忌者借言及之時論知其志存撫字無損官箴而基竟拂袖去焉
郡人懷之議祀名宦

林之蘭湖廣安化人萬歷中由國學任本府通判博學多才善治繁劇念存愛民威惠兼濟嘗捐薪贖積穀至三千七百石以備荒因筍多水災米價輒騰踴置義倉平價之郡前浮橋商稅舊苦巡攔之擾一為申革四民頌聲雷動至今猶時稱焉

魯史字存雅萬歷甲辰進士仕二十年而官至瑞州太守為政簡易近情與民無擾然屬大利弊闔繁處即義形

于色高邑浮賦咨畫頗勞魏瑞煽焰天下趨風而公此
不為動郡中亭館祠寺屬公手題甚多辭雋而墨亦妙
至今傳之

王佐字翼卿浙江鄞縣人萬歷進士由工部郎知南昌府
歷陞二司及巡撫都御史累官江西二十餘年勵精圖
治熟于民情瑞屬浮糧之苦起自明初公灼知其困因
里民上訴而撫慰之曰若受病誠深但欲他邑均輸決
無分痛之誼即今時事多艱將有加派之累我姑為若
防其重困可也遂與巡按顧愷會題高安照北方上疲
州縣例永難加派即見徵逋負官宜叅罰者亦視他邑
從輕上高新昌亦從次疲之例奏下部議不數年而東

餉事起當遵照議免派高安亦公賜也後隣邑發難借
言派餉時當道皆私庇高安公之奏蓋在東事前則為
公論可知公陞侍郎督河道見江省運船每詢筠苦亦
惟深知其困故耳歷任工部尚書太子太保江省共祠
焉

田一甲忠州人由進士于萬歷間任高安知縣大有才聲
議記名宦

陳繼昌山陽人由舉人于萬歷間任高安知縣以興起人
才為己任一時高安名俊皆受作養性耐劇民愛之

馬維陞字芝嶠己未會魁嘗與吳越講學之會周規折矩
為政以禮度繩人而不失渾厚高安浮賦公竭心血以

之默楚寇起所在震驚公練士卒為防禦計四封安堵
在任九年作養士類先後多成名至今稱其得人

徐登瀛字一洲閩之沙縣人性嚴毅才猷敏練當時仕籍
歧甲乙科甚城府公以乙榜忝錯十三郡司李之間每
遇大獄決必秉成焉兩署高安極力維持浮賦天啟末
年隣宦某計以東餉洒派高安公毅然爭執不畏強禦
在瑞五載人頌臯陶再生陞襄陽同知去

胡承謨麻城人由天啟壬戌進士以詞繁任高安為政平
易雖尚綜核而不苛蒞任六載大有賢聲陞部主事後
復姓陶累官福建提學副使

趙提字習南鶴慶人由舉人為瑞州府同知攝高安今有

大獄株連數十人提坐殺者數人餘俱杖釋力爭於上

曰吾不忍殺人以媚人上官銜之遂致仕

見通志補入

楊大名字君實湖廣江夏舉人崇正二年以清流知縣陞

任瑞州同知大有幹才壬申間督撫以贛州九連峒之

變檄各郡縣脩城公選人分任大事脩葺瑞州三屬兵

隸戎廳以文縮武公請守備一員把總一員置營于此

建哨于南宵曉鼓角屹然金湯而離婁營官之設亦從

此始時南瑞兵備缺官即以公署多兩區畫公官同知

十三年三署兵道篆四署邑篆兩署府篆坐陞本府知

府又三年吏肅庭間從無滯案壬午冬以免覲掛冠歸

里

陳從教號乾菴福清人由崇正戊辰進士任高安知縣總
胡公為政精明謹練徵輸有法案牘無擾考最例當科
道僅陞南戶部主事

蔡國先字責服同安人由崇正甲戌進士授高安令繼陳
公為政精練則一而渾厚有加邑人至今懷其德議立
祠祀之

劉之遇湖廣澧州舉人博學工詩文崇正甲申年任高安
教諭開國變解組垂索而行諸生泣送之

國朝

莊應會江南武進人由進士任江西右布政時金聲桓叛
江省初底定公緩輯有方政持大體甲午入覲

上詔各官陳言公洞知瑞表二郡浮賦之苦同安僉憲條奏獲
從元額汰減積困以甦民尸祝之

按崇祀錄莊應會號素鶴請免瑞表二府浮糧一十
三萬六千有奇內陞刑部侍郎

蔡士英號魁吾遼東人巡撫江西都察院右副都御史甲
午歲覲

上允莊安二公浮賦之奏下撫臣覈實公悉徵新舊郡志備詳
元額疏復清汰隨檄二郡改編全書勒石以紀

曠恩公愛民禮士無所不竭一切善政悉載撫江錄後陞總漕

安世鼎號鑄九奉天廣寧人順治九年江西按察司僉事
分巡南瑞道在任戡吏安民振綱肅紀憫瑞州浮賦之

苦心切拯溺甲午歲當述職

世祖廣求民隱凡直省地方利病

陞見官務得盡言公典同覲右轄莊公謂江西重困無如瑞
袁浮賦遂以入

告

世祖可其奏事下督撫汰還元額民慶更生後陞口北道副使
轉福建肅使康熙九年以補任至江西將及爪士民欲
借寇而無從焉

孟命世字淑子安慶懷寧縣諸生戊子江西金聲桓叛

朝廷發固山大將軍譚拜來勦次江寧招文武才能士入幕

備用考選得公己丑三月委公知瑞州歷一年多惠政

隨奉

題叙實授時丙戌丁亥大饑十烟九絕田疇半屬榛莽公
單騎履畝分別有主無主開除荒糧數萬石六載免科
哀鴻始集後黃公奎齡清田地以減浮定額魚鱗冊成
禁不得載一荒字民苦之至今有田之家隱賠荒糧者
不知凡幾益令人思公德不置

張仁聲字四服直隸武強人由恩貢授蘭陽知縣陞瑞州
同知職專捕盜時高安秋陂坑等處劇盜猖獗屢經官
戡不靖公遠偵近訪得其情形作而嘆曰根不剪蔓不
絕為民之害寧有已時一日以酉刻傳集營兵先驅出
城衆不知其所往越辰報公直搗賊巢殲其黨擒其魁

里人焚香頂祝有張綱再見之呼後因營官受過罷職
寄遇南城數年和洽比隣所著有測天圖說算法粹行
李縈登號玉鰲山西臨汾人由恩貢任高安知縣為政謹
厚不擾于民後陞袁州府同知

雷光業字世求豐城人庚午舉人授高安教諭冲雅有度
留心經術日與諸生劇切去益思之後舉乙未進士

陳良真字一之新建人癸酉舉人授高安教諭性温恭不
競作新士類尤植貧者時文廟圯廢知縣黃倡率重建
實良真經紀之陞饒州府教授

張文旦號理菴儀封人以名進士宰高邑愛民恤士政簡
刑清甫下車即創脩邑乘集閩邑紳士寒暑纂輯親自

校正高邑文獻之類以有徵者皆文旦之力也

盛鍾賢字右子號岫庵浙江於潛人由進士為高邑宰清
正慈惠視民若子以德化人作興士類拔取單寒實心
實政絕無粉飾催科不事鞭撻而邑無逋賦聽訟不尚
刑威而庭無枉牘在任七載卒于官歿之日囊篋蕭然
閩邑里民不旬日樂輸百金為賻邑官詹徐日暉為之
撰遺愛碑文士民公籲呈請崇祀名宦

趙世錫字永公遼東遼陽人由部屬擢守瑞州甫下車即
修理學校勸課士子每月集都人士于周公祠給試卷
備酒席藹然以師生禮相接教士必先立品行又念瑞
鄙穀粟而外物產無幾因做蕪杭養蠶法刊刻成書并

繪其圖布告鄉村遣人往湖南地方採買桑秧分給耆
甲不數年而出絲甚多合郡感戴刻有瑞蔭仁聲集後
銓陞西寧道去之日板轅卧轍送者如堵

鄂樂舜旗人由翰林出守瑞州以文事飭吏治不動聲色
吏畏民懷取士多屬卑寒高安附郭沐澤尤深惜以太
夫人憂去任未久高邑至今思之

沈瀾號泊邨浙江烏程人癸丑進士曾應博學鴻詞試官

中書舍人

詔舉倚馬奇才

御試高等奉

旨外用棟發江西出刺筠州在任作興士類復立義學清學

田過歲歉多方賑卹兩城傾圮督備完固嚴懲臬棍豪
強斂跡良民得以安枕至于嚴禁賽會及競渡等事皆
所以正風俗息事端也後因公解任士民惜之

林運鑑字千史廣東文昌人由舉人為高邑宰躬親勸稼
建文昌閣集諸生肄業置田為膏火資分校鄉闈所取
皆知名士禁溺女置義塚折獄嚴慎任七載報畝以母
老陳情不獲卒于署義田載庠序

劉承甫號逸叟四川閬中人為高邑宰精明蘆潔箠無留
牘如水旱盜賊一切病民之事補救捕緝不遺餘力在
任三載民藉以安後因公罷歸士民思之不忘

吳之倫字拱辰南昌人康熙甲午舉人揀選知縣以雍正

丁未會副授高安教諭性端方耿介慎別義利于物無苟取或有見其清苦欲稍為之地者輒謝曰淡泊吾所自甘君子當愛人以德幸毋累吾素志訓士惟先立品課菽必深求聖賢指歸體裁一軌先正弗獵時趨文品自貴秉鐸九載選期適屆為親老不赴以終養歸

祝景灝順天人由舉人為高邑宰蒞任三載案無留牘吏治稱平被議後囊橐蕭然合邑士民多醵金相助以表

愛思

周裕仁字

號溥洲盱南建武人也性耽淡泊酷嗜古籍經書司鐸南湖遷高邑教諭手著文稿二編子召已

庚聯捷訓士常曰不讀大家不知好時菽不研經籍不辨好古文尤以敦品立志相勗年八十六致仕尚康健如壯時手不釋卷士林懷之

楊仲興號閻安廣東嘉應人由進士擢任瑞州太守性慈

惠愛士恤民善政不勝枚舉城南筠陽書院久廢下車

未久即捐廩為倡徙建於北城之鳳山名鳳儀書院延

名師立課程相與講學其中諄諄然若父兄之教子弟

時或便服察其勤惰貧而力學者膏火外另給新米贖

其家獎拔不遺餘力以示鼓勵筠之文風蒸蒸日上

時科甲盡肄業生前縣令某查搜私錢誤入良家觀者

鼓噪令固請詳辦公多方曲全獲免者數百人尤喜修

祠廟凡在祀典者莫不捐蕪修葺作記以紀其事筠人感其德塑像祀焉廢而復舉者再今書院後室楊公祠是也後陞福建觀察旋陞湖北廉使子孫登科第者至今蟬聯不絕云

黃惠號心亭福建永福人由進士任高安知縣歲科試士特拔真才所錄多掇巍科經理鳳儀書院山田所入豪右胥吏不敢侵漁肄業諸生資其膏火吏治精敏亦極慈祥催科不煩賦之捐輸愈急笞杖日省獄之留滯悉清有盜劫財一傷人一殺人兩案並發姑置傷人案留緝不忍重其辟卒以此掛議去官士民愛慕不已馬張敦仁號古腴山西陽城人乾隆己未進士宰高安公正

庶明精練吏事胥役無所售奸盜賊為之斂跡時有犬眠巷靜花落庭閒之譽尤以振興人材為急務下車即觀風屢課士試院及鳳儀書院手自甄別勗以明體達用之學人人皆知向方督學趙鹿泉贈聯云學有淵源文有體民之父母士之師生平性恬淡在官四年暑不演劇不張宴調任廬陵陞本府同知歷任揚州蘇州撫州吉安南昌知府現任雲南鹽法道

補遺

陳廷賞字子中宋建隆中孫何榜進士遷殿中丞授秦州
守以母高陽縣君年九十乞就便侍養詔移筠州政署
民安合郡感德有請於朝因留居於筠之南城遂家焉
子四值俊僖兄延矩字知成官府判子三侗儻儻今
筠南真良家大宗祠陳氏七支分居洪都筠州臨江三
府下高安上高新昌新建豐城奉新寧州清江八州縣
子姓皆其後裔也

高安縣志卷之八

秩官

知縣名宦

教諭

訓導

縣丞

主簿

巡檢

典史

建官惟賢人無求備百里剖符民社攸寄學道愛人勞心撫字董以師儒多士蒼萃僚佐協恭無曠厥事有守有為名垂奕禩志秩官

官制

周秦漢吳晉宋齊梁陳隋唐

官制俱無傳大約漢高帝六年置城陽必置令而令

以下之官失載

宋制

令一員 丞簿各一員 主學一員 縣尉一員
舊志按元制有醫學陰陽學稅課司或一人或二人

而宋獨不載此必前志之遺也

元制

達魯花赤一員 縣尹一員 縣丞一員 主簿一員

典史一員 縣尉一員 儒學教諭一員 查他邑志有蒙古學教

員今缺

明制

知縣一員 丞簿各一員 典史一員 儒學教諭一

員 訓導二員 陰崗墟巡檢一員 陰陽醫學僧會

道會司各一員 永樂十三年添設主簿一員 正統

元年添設縣丞一員後俱罷 宏治十一年添設捕盜

主簿一員尋罷 正德五年復設又罷

國朝

知縣一員 縣丞一員 分駐南城十 主簿一員 今裁 典史一

員 陰崗墟巡檢一員 順治二年裁 儒學教諭一員 訓

導二員 順治四年裁一員又康熙三年裁 灰埠墟巡

檢一員 乾隆四十二年裁照磨缺添設

知縣

唐存縣令二人餘無考

王仁恭太和二年任

朱郁大曆三年任

南唐存縣令二人餘無考

王顏保太五年以討東甌功命為高安令後保太十年為刺史

陳承昭昇元二年任見傳

宋

袁師德乾德五年任 竇誨太平興國七年任

段為修熙寧六年任舊志失載從地下塔發得之後陞太常博士

毛應佺真宗朝任 羅審理元豐中任

李穀 靖康元年任

崔綱 建炎二年任

周炳 建炎三年任

白仲舉 紹興元年任

江航 紹興二年任

侍其備 紹興三年任

趙邵之 紹興三年任

羅靖 紹興六年任

董符 紹興八年任

汪彭年 紹興十年任

趙濤若 紹興十二年任

趙不愁 紹興十五年任

樓紹 紹興十九年任

賈塘 紹興二十三年任

歐陽言 紹興廿七年任

薛宗 紹興二十九年任

楊玉賓 紹興三十年任

表惟一 隆興元年任

陳庸 乾道二年任

耿延年 乾道五年任

趙祈之 乾道八年任

路丰 淳熙二年任

閻印泳 淳熙四年任

謝儼 淳熙八年任

呂棐 淳熙十年任

陳公璟 淳熙十三年任

宋剛重 淳熙十六年任

徐應龍 慶元元年任

鄭繼勳 慶元五年任

張國器 嘉泰二年任

張撫辰 開禧元年任

范擇能 嘉定元年任

吳灝 嘉定四年任

趙彥覃 嘉定四年任

潘薰

余珪

章盪

鄭揚祖

顧元龍

鄭晝

王節

史長卿

趙師偕

趙與禮

黃儔孫

童必大

王季雍

趙希冽

洪起畏

趙崇悛

危國才

余賓興

趙崇樵

元縣尹四人餘無考

張珪

歸德人元統間任見傳

劉朝宗

至正十八年任見傳

田辛推

至正二十二年任

洪順翁

明

王端 洪武二年任

何戴 洪武十四年任

吳金全 洪武十九年任

張清 洪武二十三年任

郁宣 洪武二十六年任

徐佐 洪武二十七年任

聞府 洪武三十年任

張從亮 建文元年任

沈秋 洪武四年任見傳

張士宏 永樂三年任

鄭元 永樂五年任

黃寬 永樂十年任

許慶祚 永樂十二年任

劉必先 永樂十七年任

李潤祖 永樂二十年任

葉政 宣德元年任

汪達 宣德四年任

朱思通 宣德九年任

嚴獻 正統元年任

陳璣 福清人正統三年任見傳

葉芳 杭州人景泰元年任

杜美 既陵人景泰五年任

鄒瑤

無錫人天順八年任

潘宣

華亭人成化十年任

夏迪

福清人成化六年任

顧純

清流人成化十年任

張萬鍾

贛縣人成化十三年任

葉元玉

清流人成化十年任

王本義

松滋人宏治元年任

黃華

劉陽人宏治九年任

謝樞

景宿人宏治十五年任

謝華

太僕寺丞

韓濂

御史滿正德四年任

顧恩

正德九年任

顧標

夫莆田進士正德五年任

顧恩

正德九年任

翁素

德化進士正德六年任

周鏗

正德九年任

端廷赦

當進士嘉靖元年任

廖希顏

茶陵進士十年任

伍似

松滋人八年任

錢邦彥

徵吳縣進士十年任

潘欽

常樂人十三年任

江珍

歙縣進士二十年任

葉應乾

字除清武清衛籍進士十三年任

江珍

歙縣進士二十年任

江焜

字子光號春霖臨安進士十一年任

江珍

歙縣進士二十年任

金柱

字國棟號中石上虞進士三十三年任

檀良翰

建德舉人四十年任

林德

長樂進士三十三年任

檀良翰

建德舉人四十年任

楊乾

字長樂舉人四十年任

畢于貞

番慶舉人隆慶元年任

楊思明

歸安舉人隆慶五年任

陸克齡

烏程人萬曆元年任

王煥

咸寧進士三年任

陸克齡

烏程人萬曆元年任

詹煥

字源舉人五年任

盧奇

祁陽進士十年任

李機

福建進士十年任

岳方

南充舉人十年任

陳天德 選貢二十五年任
田一甲 十忠州進士二十六年任
陳繼昌 十山陽舉人四十年任
馮大任 嘉定進士三十年任

徐昌期 桂林舉人二十六年任
彭惟藩 崇安舉人三十七年任
胡承謨 麻城進士天啟四年任

朱道行 號乾菴福建清進士崇正二年任
陳從教 號乾菴福建清進士崇正二年任

湯有光 崇正六年任
蔡國光 字貞服福建同安進士崇正八年任

黃承奎 崇正十六年任
余猶龍 廣西慶遠府人乙酉年任

蕭有光 浙江紹興人按察司
徐可任 遼東人順治二年委署

李榮登 字玉贊山西臨汾人選貢順治三年任

吳際登 北直宛平人按察司
劉鴻猷 汪陽舉人順治十年任

趙琛 山東平原進士順治十一年任

黃奎齡 字順治十三年任

韓玉衡 號齊菴江南虹縣人順治十三年任

張文旦 號理菴江南儀封人進士康熙六年任

鍾成鼎

盛鍾賢 字右子號斗菴於晉進士

林運鑑 廣東文昌舉人康熙四十五年任

張漢翹 山西汾陽人

謝珩 山東德州舉人

劉社 穀

沈

秩官

國朝

鄭勛

江南如舉成貢
雍正二年任

劉承箴

號逸叟四川閬中
舉人雍正四年任

祝元仁

河南固始進士
雍正七年任

范卜年

浙江會稽進士
雍正十二年任

李時溥

廣西永福舉人
雍正三年任

李修卿

福建侯官人
乾隆三年任

朱沛然

浙江平湖進士
乾隆七年任

陳來元

廣東歸善舉人
乾隆十年任

祝景灝

直隸肅寧舉人
乾隆十三年任

聶元善

字長人順天大興進士
乾隆十五年任
主修邑志

郭皖

河南禁澤舉人
乾隆二十四年任

沈祖惠

浙江嘉興進士
乾隆二十六年任

王心銘

江蘇山陽舉人
乾隆二十八年任

黃惠

福建永福進士
乾隆三十一年任

蕭登生

四川華陽舉人
乾隆三十九年任

馮麟 廣東莞縣進士 乾隆四十年任

蔡溶 貴州廣順州舉人 乾隆四十五年任

張聖注 山西浮山縣貢生 乾隆五十年任

張敦仁 號古映 山西陽城縣進士 乾隆五十三年任

俞聖基 字培峯 浙江山陰縣舉人 乾隆五十七年任

吳楷 字正一 號吳山 福建浦城縣舉人 乾隆六十年任

瞿中策 號 山東章邱縣進士 嘉慶三年任

孫猷 號 福建侯官縣進士 嘉慶五年任

嚴謙 號虛白 浙江烏城縣進士 嘉慶七年任

余學道 號卓山 貴州定番州舉人 嘉慶八年任

邢鴻 號常坂 山西直隸遼州舉人 嘉慶十三年任

王敦素 號丹崖 河南登封縣舉人 嘉慶二十年任
高以本 字培之 號石翠 順天大興縣人 祖籍浙江紹興
府會稽縣舉人 道光二年任 三年任 浙江紹興志

教諭

宋設主學失載

元無考

明

任光 五羊人 宣德十年任

殷泰 臨海人 天順五年任

侯鉞 臨海人

傅智 南安人 宏治十三年任

何源 南平人 正德十一年任

王道 柳州衛人 八年任

吳澤 海陽人 二十年任

鄭昌 瓊臺人 天順元年任

陳子臯 開縣人 成化三年任

陳訥 常樂人 宏治三年任 見傳

林寬 懷安人 正德三年任 見傳

李珍 建安人 嘉興五年任

鄒景修 南海人 十五年任

胡承意 湯溪人 二十年任

錢呈之會稽人

趙佐卿蘭溪人

何道臨順德人

游鶚海康人

謝倅祿永寧人

王挺然泰順選貢

范時敷桂陽人

李生春吉水人祀名宦

徐清南昌舉人

葉永成武昌人

盧季鵬天台人

何雲龍浙江人

曹環浙江人

林達科莆田人

鄭兆之南海人

阮宗文臨川舉人

蕭瑞麟吉水舉人

李應斗玉山選貢

李呈華泰州人

徐守綱金谿人

晏朝卿南昌舉人

江光室都陽人

徐尚賓奉新人

李燦然四川舉人崇正七年任

劉之遇澧州舉人崇正十七年任

國朝

雷光葉字世求豐城舉人順治四年任後舉進士

陳良真字一之新建舉人順治十年任陞隴州教授

吳喬伯字介巖峽江歲貢順治十七年任陞木府教授

羅光春字蔚存新建舉人會副康熙五年任

王政光字萍鄉歲貢康熙二十三年任

鄧中南新建舉人康熙二十六年任

鮑一箕浮梁歲貢康熙三十二年任

劉國祥崇仁舉人天啟六年任

黃廷柱歸化歲貢崇正十四年任

匡大育 萬安舉人康熙三十

王猷一 德化舉人康熙

李向茂 廬陵舉人雍正

吳之倫 南昌舉人雍正五年任乾隆

魏錫祚 廣昌舉人乾隆

王士倬 新淦縣舉人乾隆

章應煥 南昌縣舉人乾隆

楊晰 清江縣舉人乾隆

傅協邦 南城縣舉人乾隆

梅雲章 南城縣舉人乾隆

鍾道芹 南昌縣舉人乾隆

吳從周 南昌縣舉人乾隆

徐金澗 崇仁縣舉人乾隆

周裕仁 南城縣舉人乾隆

湯景元 南昌縣舉人乾隆

吳翰 浮梁縣舉人乾隆

袁起宇 宜春縣舉人嘉

黃文毅 廣昌縣舉人嘉

劉合選 廬陵縣舉人乾隆

訓導

明設二員左右分齊

盧與宣德年在

胡浩

舒德光

林堡

張旰

胡瑀

梁文重

許璋

趙顥

施觀 天順年在

唐伯仁 華亭人 成化年在

周濟 華容人 宏治四年任

葉昂 海康人 宏治十四年任

尉淳 吳縣人 正德四年任

唐良臣 瀏陽人 嘉靖五年任

郝震錫 華容人 十年任

陳濬 福寧州人 十年任

陳諫

廣德人二十二年任

包一龍

松陽人二十一年任

郭文煥

晉江人三十一年任

沈欽

嘉靖三十年任

谷廷恩

楊承惠

會稽人

徐春

桃源人

潘問

淮安人

李廷貢

叙浦人

方大樾

左岑

清河人隆慶年任

史諫

河陽人

梁大賓

高明人

劉文光

寧州人

朱詠

安福人

王鈞

奉化人

黎敏德

南海人

袁練

德化人

程顯

西安人

藍廷模

閩縣人

張維載

寧國人

丁燧

豐城人

高趨

峽江人

賴顯

南康人

葉應弼

都昌人

周化

應城人

鄒道遠

臨川人

吳梅

宜黃人

阮良

江川人

歐世善

廬陵人

趙應旛

南昌人

尹湯聘

鄖陽人

陳調

寧州人

林世奇

武岡人天啟年間任

表宗儼

分宜人

鄒師魯

崇仁人

丁應選

寧都人崇正元年任

李汾

德化人崇正元年任

龔諍

清江人歲貢五

鍾汝茂

南昌人歲貢六

謝承進

永寧人歲貢八

彭復古

清江人歲貢十一

王敬賢

德興人歲貢十

胡經邦

湖口人歲貢十六

柯秉衡 九江歲貢十
七年任

國朝

徐 枚 南昌歲貢順治
十二年任

賴仕龍 龍南歲貢順治十
五年任 康熙三年奉
裁

朱 芾 浮梁歲貢康熙二十
三年任 陞贛縣教諭

孔傳錦 新城歲貢康熙二十
九年任 陞南昌教諭

郭兆昌 瑞金歲貢康熙
五十六年任

諸 泌 鉛山歲貢雍正
三年任

方 瑛 弋陽歲貢雍正
六年任

錢廷游 浮梁歲貢雍正
十三年任

吳 迎

楊兆迺 崇仁人歲貢乾隆
十七年任

何定衡 建昌縣歲貢乾隆
十九年任

俞 楠 縣舉人乾隆
二十四年任

丁邦訓 寧州歲貢乾隆
二十九年任

石應璋 樂平縣拔貢乾隆
三十五年任

胡洪賓 峽江縣舉人乾隆
三十九年任

葉 蓮 新建縣舉人乾隆
五十三年任

曹步廷 湖口縣舉人乾隆
五十五年任

劉映璧 南城縣優貢嘉慶
十四年任

趙德謨 南豐縣舉貢嘉慶
二十三年任

高安縣志 卷之八 秩官

縣丞

宋

劉清之

臨江人紹興間任見傳

元

劉基

括蒼人進士至元間任見傳

明

楊時忠

黃添祥

張智

成

邵俱洪武間任

朱俊

褚

浙江人致仕後因家下二十二都中村

楊靖

李郁

許福

盧宗成

俱永樂間任

李清

李以安

俱宣德間任

官繼安

陳善

陶安

林清

俱正統間任

周敦

劉釗

袁遜

黃璉

俱景泰間任

王盛

黃取

俱天順間任

唐景澄

盧部

沔陽人俱

孔議

沈雍

桐鄉人

張焯

曹璫

通州人正

黃顯

龍時

德閩人

王登

魏耕

江都人

黃仁立

馬斯才

祁門人

劉夢麟

魏仁

雲南人

陳江

顧大綱

吳江人

江東鳳

戴宗貴

四川人

魏元臣

温大棟

廣東人

周鼎

沈朝煌

仁和人

孫儒經

馮良驥

義烏人俱

張維鎬

余應登

崇正六年任

楊壽仁

夏震

崇正十一年任

何澄清

黃宏祖

無錫人崇正十七年任

國朝

李應熊

江南潛山人任

王兆京

浙江桐廬人任

羅國紳

大興人任

董陞

漢陽人任

周在鎬

陝西臨潼人任

李萬華

漢軍正紅旗人任

張璽

直隸宣化人任

馬元慶

宛平人任

李美玉

直隸宣化人任

朱震

雍正元年任

朱培

浙江平湖人任

張彤梁

山東人任

曹瀾

山西人任

安義象

正白旗人任

鮑啟淦

湖北沔陽州人任

文移

駐南城

張一舟

山東觀城人任

胡履端

湖南清泉縣人任

蔣厚培

江蘇吳縣人任

朱起鳳

浙江上虞縣人任

饒錫光

湖北長陽縣人任

孟誥

山西永濟縣人任

謝綾

江蘇武進縣人任

劉正元

湖南瀘溪縣人任

程翼

嘉慶十九年任

主簿

宋

黃

祁郡志失載按清江志云祁以對策高等授
高安簿邑令苦事繁分委發剔民德之

元

朱仁卿
至正十三
年任

王士亨

明

翁禮
洪武初任

于巴
洪武初任

陳景威

洪武間任

王輝

洪武二十九年任

沈宗海

建文三年任

羅克昌

永樂七年任

徐

清
永樂九年任

劉俞

永樂十六年任

李

徑
永樂二十二年任

顧肅

宣德六年任

孔仕魯

沙縣人正統間六年

馮知

天順六年

史聰

山西人成化二十一年任

翁昂

金華人宏治三年任

常清

潁州人宏治十四年任

王佐

清縣人宏治十八年任

李昇

山東青州人正德五年任

扶賢

湖南鄱縣人正德九年任

趙佑

王遷

戴升

梁材

景泰四年任見傳六年

陳完

成化六年

董志道

繁縣人成化間任

許方

吉安人宏治十年任

劉銘

宿遷人

嚴肅

袁珪

字廷璧山東成山衛人六年任

靳傑

韓鏞

陳易

王邦輔

梁棟

張檀

宣城人嘉靖二十七年任

王栢

丹徒人

姜維通

池州人

唐維章

襄陽人

揭宏道

汀州人

何為貴

俱萬曆間

吳時道

六安州人俱天啟年間任

施承元

烏程人崇正三年任

葉士芳

仁和人崇正六年任

方上達

宣城人崇正十七年任

張葵

山陰人嘉靖二十年任

吳詒

餘姚人三十一年任

王世春

福建人

溫良

福建人

趙一新

山陰人

楊啟允

南直人

陳其魁

義烏人

沈延齡

鄞縣人崇正元年任

葛文奇

崇正九年任

國朝

林季春

莆田人順治四年任五年奉裁

沈采

...

...

...

...

...

...

...

...

...

...

...

...

...

巡檢

朱天成

湖南邵陽縣吏員乾隆四十三年奉

文

余

宏嘉慶

年任

邵

煥嘉慶

年任

縣尉元制縣尉

宋失載

元

陳幼登新昌人

典史

元失載

明

張謙

池澄永樂三年任

尹亨永樂二十年任

陶清正統元年任

何晏升陞人後為

徐同永樂十九年任

李原亨宣德間任

張秉彝正統三年任

張秉彝正統三年任

張秉彝正統三年任

張秉彝正統三年任

張秉彝正統三年任

張秉彝正統三年任

張秉彝正統三年任

張秉彝正統三年任

陳敬 正統七年任

劉敬 天順四年任

曾志 天順八年任

武凱 河南人成化十年任

宋智 隰縣人成化十七年任

唐珙 桂人成化十二年任

陳剛 盱眙人宏治六年任

樊隆 封邱人宏治十一年任

李坦 潞州人正德二年任

于清 蒙城人正德六年任

曾清 莆田人正德七年任

嚴永 字遠之黃岩人正德九年任

王祿 廣西人

陳秉烈 惠安人

鄭濠

林士直 懷安人

蔣紹宗 德清人

韓福慶 襄陽人俱嘉靖間任

楊彬 廣西人

湯應期 宣城人

蕪收 池州人

葉應斗 慈溪人

陳情 吳縣人

蒯懋宗 廣東人

汪履端 宣城人

張有任 俱萬曆間任

沈應遊 會稽人

孟紹謨 會稽人

朱尚綱 蕭山人俱天啟間任

祝延年

孟良璧

宗貽謀 建平人崇正十七年任

嘗見四明沈九疇有送趙給事尉高安詩一云二疏其如漢室何高安此去莫蹉跎梅生自是神仙尉相去南昌路幾多一云幞被黃門出漢京憐君今不負書生六科官長誰為貴最是高安尉有名查嘉隆以來高安典史並無趙姓一人豈郡志失載耶今鑒前弊力事訪求而弔革之後憲綱莫稽或存或缺因思往者佐幕各官

皆有題名一碑勒于廳右俾有所考後人以官為傳舍畧而不舉致欲紀其姓名而不可得古法當循此其一矣本舊志

國朝

朱應元 山陰人 順治六年任

張向雅 西安人 順治九年任

武方洽 富平人 順治十二年任

羅仕達 富平人 順治十五年任

許國銳 大興人 康熙元年任

王 康熙十四年任

陳 康熙三十四年任

姜立勳 蘇州人 康熙三十九年任

何繩祖 康熙五十九年任

諸達

金昇

黃昌 浙江人 乾隆十六年任

壽榘 直隸大興籍 吏員 乾隆二十年任

汪建謨 安徽旌德縣監生 乾隆二十二年任

葉積和 浙江慈谿縣監生 乾隆四十九年任

戴均 浙江德清縣附監生 乾隆四十九年任

蔡仁 浙江山陰縣 乾隆五十九年任

朱廷樁 浙江山陰縣 嘉慶十七年任

江沛然 安徽青陽縣 嘉慶十八年任

范變綸 浙江會稽縣 嘉慶二十三年任

陳國坦 浙江會稽縣 嘉慶二十五年任

陰陽學

蔡仕俸

字君思
堽沙坳人
康熙年間任

醫學

楊榮甫

城南人元
醫學提舉

吳九洪

號錦湖明萬歷
間護印醫官

胡繼德

字仁宇城北人
明醫學正科

胡瓚

字君錫城北人
醫學正科

鄧之芸

字蘭若鄧坊大埔人
醫學正科

羅復春

字九都涇溪
醫學正科

鄒以仁

字元一都來
燕人醫學正科

劉功上

字彩雲城南世濟
舖人縣醫學正科

吳綱鼎

字東陽城北赤土
舖人醫學正科

高安縣志卷之九

兵防

衛民以兵干城永賴負耒荷戈邱乘紀載戎馬芻糧豫
倫無害訓練時勤亦威亦愛有勇知方河山礪帶共樂
太平奠安內外志兵防

國家有百年不用之兵而無一日不豫之倫高安為附
郭首邑從前未設衛所止立高安營哨官一員哨房一
所在察院公署之右哨官糧餉火藥心紅馬料共銀五
十九兩三錢管精兵一百八十八名內傳號識字各一
名哨總二名隊長十名出守銅鼓四十八名巡視斗角
灘二十名餘一百六名在營防守城池團練差捺每名

歲支工食銀八兩九錢常兵三百四十二名內防守軍
腦寨十名石鼻哨五名機總四十名識字兵一名餘二
百八十六名在營差操每名歲支工食銀五兩二錢又
立習牙哨哨房一所在清江界防守哨官一員糧餉每
日支銀一錢一分五厘歲支馬料火藥心紅銀十兩管
精兵一百名內哨總二名隊長十名餘兵八十八名操
練防守每名歲支工食銀八兩九錢至明末各屬增設
營衛崇正七年始建瑞州營瑞豐倉地設有頭門二門
正堂一重東西兩廊各四間內堂三間廚房一所內房
五間初設把總一員總設哨官三員為左右中營分統
前兵崇正十三年易把總為守備哨官之職仍舊此瑞

營之始制也迨

國朝順治六年新定經制載部選守備一員把總一員馬
戰兵六十名官馬六十匹步戰兵九十名守兵一百五
十名康熙七年奉文改制守備一員把總一員馬戰兵
三十三名官馬三十三匹步戰兵六十六名守兵二百
三十一名在營差捺為城池倉獄防守其守備月支俸
薪蔬菜燭炭心紅紙張等銀一十兩九錢四分九厘五
毫自備馬四匹每匹月支銀一兩二錢把總月支俸薪
銀三兩自備馬二匹每匹月支銀一兩二錢馬戰兵每
名月支工食銀二兩每馬一匹月支銀一兩二錢步戰
兵每名月支工食銀一兩五錢守兵每名月支工食銀

一兩總計一年俸薪工食共支銀五千四百八十九兩九錢九分四厘又馬步戰守共兵三百三十名每名月支米三斗共米九十九石每年共米一千一百八十八石坐派上高縣三分南米內支給雍正六年奉文添設把摠一員又添外委把摠一員分防上高縣汛至雍正十年乃改守備為都司僉書仍止兼轄高安上高二縣都司而下有把摠一員外委把摠一員又有額外外委一員乾隆四十六年奉文又添設額外外委一員實在馬戰兵十八名步戰兵四十四名守兵一百六十五名內撥守高郵市塘兵丁五名灰埠塘兵丁五名高崗嶺塘兵丁五名馬鞍嶺塘兵丁五名大嶺舖塘兵丁五名為

附郭高安把摠專汛又撥守界埠塘兵丁五名徐家渡塘兵丁五名鎮渡塘兵丁五名為分防上高外委把摠專汛總計俸薪工食等銀每月應支銀 兩 錢每歲共支銀 百 兩 錢按查營冊班班可考承平日久當永著為定例云

民兵保甲附

屯營卒旅之外有所謂民兵者原以供差遣而資捍禦也民兵之制或由編僉或由召募其目有四曰機兵以習火器名曰弓兵以能射名曰捕兵以捕賊名皆計丁糧為編僉其召募而充者曰民壯是擇勇勁之民使之練習在公以資防守與編僉之制名異而義同捕兵藉

高安縣志 卷之九
統于縣尉明代省縣尉之職以捕兵併領于州縣而弓兵則隸于巡檢司既綜覈之又訓練之于追捕盜賊伺察奸匪控御指揮無不惟命何患閭閻之不安堵也而尤莫善于保甲昔王守仁之撫江西也檄屬邑行十家牌法大小相維有功保障洵為久遠良模我

國朝保甲之法歷經督撫大吏按地方情形酌定條規最為簡便乾隆二十二年復責成道府督率州縣無分城市鄉村水陸居民及各色人等俱造具烟戶清冊每十戶為一牌十牌為一甲設立甲長牌頭保正令紳耆公舉點充示以專責諸凡例禁之事許其實心稽查秉公首報遇隣境有差緝逃匪緊件併許先行密同協捕有

功則分別獎賞古謂之保甲兵是亦民兵類也夫以塘汛嚴津河之盤詰以壯快司奸宄之巡緝又復力行保甲以誌其防俾鄉保團練牽知仰承

熙朝除暴安民至意而恪守其良法則盜賊可息詞訟可簡禮樂可興一邑之治不勞而致而兵民相衛之實效乃不等于具文矣爰增是編以補兵防之所未竟

夫馬額數附

羽書飛馳驛遞為重故郵政與軍政相表裏高邑地當孔道差事之繁甚于他邑有駟馬亦有站夫二者缺一不可不舊制額數過多歷經裁減額設差馬三十四站夫一百名雍正六年酌減站夫二十名馬仍其舊至乾隆

二十四年將馬又裁減五匹現在額存二十五匹每匹每日草料銀八分共草料銀七百貳拾兩內扣小建銀拾貳兩額設馬夫七名每名每日工食銀叁分共銀七拾伍兩陸錢內扣小建壹兩貳錢陸分長養站夫捌拾名每名每日工食銀叁分共銀捌百陸拾肆兩內扣小建銀拾肆兩肆錢倘遇差務殷煩現存夫馬不敷使用臨時催募應之于郵政未嘗無小補焉

鋪兵額數

縣城設立總鋪鋪兵六名自縣而東至架橋鋪十里鋪兵四名架橋至瓦窰鋪十里鋪兵四名瓦窰至古樓鋪十里鋪兵四名古樓至大蠓鋪十里鋪兵四名大蠓至招山鋪十里鋪兵四名招山至新建縣界烏山鋪十里鋪兵四名此東路鋪兵目也自縣而南至橫塘鋪十里鋪兵四名橫塘至塔前鋪十里鋪兵四名塔前至古良鋪十里鋪兵四名古良至苦竹鋪十里鋪兵四名苦竹至高崗鋪十里鋪兵四名高崗至清江縣界曲水鋪十里鋪兵四名此南路鋪兵目也自縣而北至長溪鋪二十里鋪兵四名直送至奉新縣界烏崗嶺此北路鋪兵

自也自縣而西至清水舖十里舖兵二名清水至上湖
舖十里舖兵二名上湖至希嶺舖十里舖兵二名希嶺
至龍口舖十里舖兵二名龍口至梅溪舖十里舖兵二
名梅溪至華陽舖十里舖兵二名華陽至上高縣界
埠十里舖兵二名此西路舖兵目也摠計大小一十八
舖舖兵六十二名每名日給工食銀二分每年共工食
銀四百四十六兩四錢遇閏加工食銀三十七兩二錢
爰繼駟站而類載之以便稽覽